



تنوستی و چ درد بلاوان

محمد اقبال جملی

فروع ادب اکادمی

۱۰۸- بی سیٹلائٹ ٹاؤن گوجرانولہ

بِسْمِ اللَّهِ الرَّحْمَنِ الرَّحِيمِ

تن وستی وچ درد بلاواں

محمد اقبال نجمی

فروغ ادب اکادمی گوجرانوالہ

سجے حق لکھاری دے

کتاب..... تن وستی و توح درد بلاواں

مصنف..... محمد اقبال نجفی

اشاعت..... ۱۹۸۹ء

تعداد..... ۵۰۰

کتابت..... محمد رفیع

مُل :- ~~۵~~ روپے

مطبوعہ: نصرت پریس
۹-سرکل روڈ، لاہور

فروع ادب اکادمی

۱۰۸- بی سیٹلاٹ ٹاؤن - گوہرانوار

پیار و نڈن والیاں بھیناں دے ناں

دل دا کعبہ کنج بچاواں
تن وستی وچ درد بلاواں

ترتیب

صفحہ

۲۱ جیون دے دکھ چھنڈاں کیویں تدبیراں توں ڈریا
۲۳ اوہ تیر جفا دے سُندار ہیا
۲۵ اپنے دل دا بھیت لکنا
۲۶ بے کر خوشیاں آکے سجناں میرا دل ورچایا
۲۹ پیار دے شہوہ وِچ رُڑھ کے اوڑک تر جواں گا
۳۱ کوہی دُنیا یا ر سجد
۳۳ اک اک ورق پھر دلیا دل دی کتاب دا
۳۵ سارے رشتے پیار فریب
۳۷ سہی کے بہہ نہ اپنے لب
۳۹ بول میٹھے پیار کیتا کامیاب
۴۱ سمجھتی اے اک بُجھ عجیب
۴۳ پاوے جھگڑے جھپٹے جیجھ
۴۵ دستو کتھے عزتاں تھیں عزتاں دا ہن ملاپ
۴۷ شکر دوپہر اے پھواواں چُپ
۴۹ زلفاں دے وِچ پھانا جانے اوہدا روپ
۵۱ خورے کدھر لاوے پھیرے سجنائی دی لہجہ
۵۳ گانڈائیں وی سکھ دے گیت

- ۵۵ مرے چارے پاسے بہاراں دی صورت
 ۵۷ میر سیان بن کے آئی دکھ دی رات
 ۵۹ سانجھ توں اٹھ کے مال پرایا رنگ لے اپنے ہتھ
 ۶۱ کر رہے آں روشنی دے وتھ ملاوٹ
 ۶۳ سبناں لائے جیہڑے پھٹ
 ۶۵ سنگت جھوٹھ عدوت جھوٹھ
 ۶۷ رسماں دی جو کندھ اُساری میں آں اوہ وارث
 ۶۹ یار دا توں جان لٹا جے مزاج
 ۷۱ پیار محبت تک جاوے تے کر دی نفرت راج
 ۷۳ پیار دی مٹی گوندی نہیں اچ دو سبناں دی سانجھ
 ۷۵ ساتھ ویلے دا انج نبھاوے سچ
 ۷۷ سدھی کر لے اپنی سوچ
 ۷۹ راہواں وتھ کیوں رُکیا پچھ
 ۸۱ کدے دغا فریب تے غرضاں دا افتتاح
 ۸۳ کوئی کم دی گل بسنا نا صح
 ۸۵ اساں تے کینا تیرے ویں پیار وفا دا رخ
 ۸۷ کوڑا چک چک دُنيا والا عمر گذاری مُرشد
 ۸۹ اساں تے انج منائی عید
 ۹۱ رہن دے میرے آسے پاسے رنجھاں والی کندھ
 ۹۳ پیندی جاوی ایسے کر کے وتھ دلاں دے گھنڈ
 ۹۵ سبناں پیار بھلیکھا کڈھ
 ۹۷ کنے کنے کھولے کا غد

- ۹۹ چڑھدے ہوئے طوفاں اگے کچے بنھ نہ مار
- ۱۰۱ مک گئی گرمی جذبیاں وچوں رشتیاں چوں ایتار
- ۱۰۳ دل دے ستے تار ہلا گئی سوہنی جتنی تصویر
- ۱۰۵ کم کر دائیں بلدا مینوں تچج دا جیکر
- ۱۰۷ بیہی اول تے آپ پنچوڑ
- ۱۰۹ ویکھے اساں او لے ہرھ
- ۱۱۱ کچھ وکھاوا کچھ بھلاوا کچھ ضرورت دی نماز
- ۱۱۳ پاؤں و تچ حیرانی راز
- ۱۱۵ لبھ جان دے جد سا نچھ سہارے ودھدی آس
- ۱۱۷ سچ پچھو تے اوہناں نوں اے دھپاں دا احساس
- ۱۱۹ نال خوشبو دے سی بھری بارش
- ۱۲۱ آس مری دا دیوا بچھیا اڈ گئے میرے ہوش
- ۱۲۳ ساڈے رنگ تے ایہہ تصویراں سبھ ناقص
- ۱۲۵ نقش چاہت دے ہر تھاں اُبھارے خلوص
- ۱۲۷ پھل پھل شاخاں سبھ مقروض
- ۱۲۹ السیراں سبناں وڈیا فیض
- ۱۳۱ پہلاں ایجھے اینہاں شبیں سی غم خواراں دا قحط
- ۱۳۳ دل دے روگ مٹاوے خط
- ۱۳۵ سبھ تیغوں گئے اکتا واعظ
- ۱۳۷ ضمیراں دے کرن سوڈے خطا باں دا خدا حافظ
- ۱۳۹ نوکی لبھدے کھنن دا موقع
- ۱۴۱ اوہ مہکاندے دُنیا اندر روشنایاں دے باغ

- ۱۴۳ ایہم ہو یا کیہ اے اجاڑ راہواں لیڑے فارغ
- ۱۴۵ ہوندے بزمِ نہیں چوکھے نالے رل جاوے انصاف
- ۱۴۶ قوماں نسلان تے زبانان زنگتاں دا اختلاف
- ۱۴۹ عشق نوں ویکھو ڈنگدا عاشق
- ۱۵۱ انج خدا آپ ٹوں کرے لائق
- ۱۵۳ دو گھڑیاں نئی ریت نبھا کے ستے لوک
- ۱۵۵ واج اک اپڑی میرے تیک
- ۱۵۶ گھول دتی اے وس تِساں اوڑک
- ۱۵۹ ہو گئے اج جنوراں توں وی ویکھ سوتے لوک
- ۱۶۱ گل گل تے پئے لڑ دے ویکھ
- ۱۶۳ غرماں دے جد پلے ناگ
- ۱۶۵ ایہو سوچ کے ہوواں دنگ
- ۱۶۶ دل داروگ سنا کے ننگھ
- ۱۶۹ شالا انج ای دیوے لوے خوشیاں والی پینگھ
- ۱۷۱ کیہرا کہندا دستو کال
- ۱۷۳ مینوں جین دا ول نیس آیا میں آں بُزدل
- ۱۷۵ وہماں والیاں بکیاں کھولھ
- ۱۷۶ ممکن تے نہ آوے ہن تے ایہہ در دیلا موسم
- ۱۷۹ پے گئی شام ایہہ لگا غم
- ۱۸۱ جد وی مکھ وکھاوے سمجھ
- ۱۸۳ ولدے جاٹے چار جیہڑے کندھاں اچیاں اچیاں
- ۱۸۵ دل دا کعبہ کنج بچاواں

- ۱۸۷ رنگ خوشیاں دے جھولی پاؤں ٹریاواں
- ۱۸۹ مورت ذہن بناٹی اکھاں پھر کن لگیاں
- ۱۹۱ بیٹھا ویلے دے کھنڈ نوچاں
- ۱۹۳ پیار دے ذائقے میں تے ساکے دیکھے نیں
- ۱۹۵ اپنی سیت مٹاندے نیں ایہہ کلیاں روکے ٹھڑے نیں
- ۱۹۷ جادو کیتا خوش گفتاراں
- ۱۹۹ لوکی جذبے سولی ٹنگدے میں دیکھے نیں
- ۲۰۱ پیار دے پھل مسکائے نیں
- ۲۰۳ اک نفرت دی چار چھیرے اس وج سر ڈاکیہڑا نیں
- ۲۰۵ زبر جو پلاوے مینوں
- ۲۰۷ اپنی گل تے لوک اڑے نیں
- ۲۰۹ میں خوشیاں نوں لبھناں توں کھڑے شوہ وچ ریاں نیں
- ۲۱۱ ہمت نال سی مارے بنھ
- ۲۱۳ ہراک اکھ آوارہ کیوں اے ایہہ وی سوچو
- ۲۱۵ تھوڑی تھوڑی پیار دی توں کٹھتی کر کے لو
- ۲۱۷ دشمن مل کے بیٹھے راہ
- ۲۱۹ بھجویں نہ ہوئے بوتیاں کماں دا فائدہ
- ۲۲۱ مار گئی اوہدی گل نکئی جیہی
- ۲۲۳ بستہ جدوں وی ایجھے دولت بدلے گی
- ۲۲۵ مل باوئے حے دل نوں چاہت فیزشیں دُیا بھیڑی
- ۲۲۷ رتوں دے ہن ڈنک میں کھاواں جی کر دا لے
- ۲۲۹ جیہدے ہوں مندے کارے

- ۲۳۱ اپنی وتر حیات میں تے خیرے گھدے دیکھے
- ۲۳۲ پا کے یڑے رنگ برنگے
- ۲۳۵ پکدا سجنو پھل پیار دا سہجے سہجے
- ۲۳۷ دُ بیا آن کنارے تے
- ۲۳۹ آلا بھولا سچ اک پاسے بھوٹھ وپاری اک پاسے
- ۲۴۱ تیری یاد وتر اتھرو اکھیاں بھر کے نکلا
- ۲۴۳ اپنے لہونال چانن کرے اسیں آں ہمتاں والے
- ۲۴۵ کچھ لوکاں نوں روڑ سمجھ کے چھنڈیا اے
- ۲۴۷ او ہوا پنا روگ سناوے جیہڑا نکمے
- ۲۴۹ کسے نہیں تینوں آکے جکنا بے تون ڈگیا تھلے
- ۲۵۱ جنمناں دیاں شنگے خیراں اوہ سالوئی تڑفاندے
- ۲۵۳ کون آہنداے تیجھوں دکھ نہیں میرے رستے
- ۲۵۵ ہمتاں تے ہن مک گتیاں نہیں پھیریں سائے داواں دے

تن وستی وچ درد بلاواں

اک نو لکلا فنی تجربہ

ساڈیاں مشرق دیاں پرانیاں داستاناں وچ کسے ہمد و سدے
 شہر نوں اُجاڑن واسطے شہر دی بد نصیبی تے بد بخشی اک بلا دی صورت وچ ظاہر
 ہو کے شہر اُتے وارد ہوندی سی تے ایہ ہونی تھوڑے تھوڑے وقفیاں توں بعد آؤندی
 سی تے شہر دیاں رونقاں کھوہ۔ وینوں تباہ تے برباد کر کے کچھانہ ان وکھیل
 جواں ول پرت جاندی سی۔ پراس بلایاں ہونی دا اک یاں دو تن واری تباہی
 کھلا رکے مڑ جانا ہمیش واسطے اوہرا مل جانا نہیں ہوندا سی۔ اوہ اپنے خاص وقت
 وچ پھیر ظاہر ہو کے شہر دی تباہی وچ رہندی کھوہ ہندی کسر کڈھ جاندی ہوندی
 سی۔ شہر دے وینیک اوہرے مل جاؤن تے سکھ داساہ نہیں لیندے سن کہ ہر
 ویلے اوہرے پھیر پرت ہون دا خوف اوہناں دے دلاں تے ڈہنناں وچ وسد
 رہندا سی۔

محمد اقبال نجفی موراں دی نویں تخلیق "تن وستی وچ درد بلاواں" دا عنوان
 پڑھ کے خیال ایہناں پرانیاں داستاناں دے ماورائی تے اساطیری ماحول ول
 مڑ جاندا ہے۔ تے جدوں ایس کتاب دے عنوان توں نظر ان چڑا کے کتاب دے
 ورقیاں وچ پناہ بھین دی کوشش کرنے آں تے ایہدے ہر صفحے اُتے اک بد
 تن وستی اُتے حملہ آور ہوندی نظر آؤندی ہے۔ پر بڑے

دکھ دی گاتے ایہ اے کہ ایہہ بلا تن وستی وچوں حملہ آور ہون تے تے بھج کران
 قوں بعد وی باہر نہیں نکلی۔ سگول اوہنے ایس وستی وچ اپنے پنجے بڑے ڈونگھے
 گڈھ لئے نیں۔ ایہہ بلا واپس ایس واسطے نہیں جاندی کہ ایہہ کدھر یوں باہر ہوں
 ان ڈٹیاں تے اجنبی جواں وچوں نہیں آئی، ایہہ تے ایس وستی دی دھرتی اندوں
 ای پنگری اے تے پھیر اپنے اپنیاں زہر بھریاں جڑاں تے کرودھ بھریاں لگراں
 والے اوہناں رکھاں دا روپ وٹالیا اے جیہڑے اپنے شکار واسطے اپنے
 پتیاں تے ٹہنیاں دے پھاسے بنا کے ہواواں وچ ہلارے لیندے رندے میں
 تے جدوں اوہناں دا کوئی شکار پتیاں یاں شاخاں دے نرغے وچ پھس جافے
 تے پھیر اوہ اوس شکار نوں ہولی ہولی ہڑپ کر جانے نیں۔ اقبال نجی نے جیہڑیاں
 بلاواں دی نشان دہی کیتی اے اوہ اصل وچ سادے آلے دوالے لے سہج
 وچ پلن والیاں برائیاں نیں۔ ایہہ نفرت، کرودھ، لوجھ لالچ، مکر و فریب جھوٹ
 دغے بازی، ظلم، بددیانتی، نفسا نفسی، بوعتمادی تے معاشی استحصال، تے
 نامواری دیاں اوہ ڈیناں نیں جیہڑیاں آدم بو آدم بو کر دیاں انسانی وستیاں آتے
 وحشی رقصاں وچ رات دن رچھیاں ہوئیاں نیں۔

”تن وستی“ دا لفظ معاشرے واسطے بڑا معنی خیز لفظ اے۔ قرآن پاک وچ
 اللہ تعالیٰ نے فرمایا کہ اساں نوع بشر نوں ”نفس واحد“ وانگوں پیدا کیتا اے
 تے نفس واحد وانگوں انی حشر دیہاڑے اینہوں اٹھاواں گے۔ علامہ اقبال نے
 وی ایس مضمون نوں ایس طرح بیان کیتا اے ”قوم گویا جسم ہے افراد ہیں
 امضائے قوم“ مطلب ایہہ کہ تن وستی دیاں ایہہ بلاواں جے اک جسم نوں اڈنگیاں
 نیں تے اوہناں دا زہر پورے معاشرے دیاں رگاں وچ کھل جاند اے۔
 ایس مجموعے دی دوجی اہم گل جیہڑی عام ڈگر توں وکھری تے نو یکلی نظر آندی
 اے اوہ ایہہ اے کہ اقبال نجی نے پنجابی دے سارے اکھراں نوں ترتیب وار
 غزلاں دی ردیف وچ ورتیا اے۔ پر ایہہ سوال ابھر سکدا اے کہ ایہہ

کوئی ایڈی، اچرج، گل وی نہیں۔ غزلاں دے دیوانِ مدھ قدیم توں حروفِ تہجی دے مطابق ردیف و ترتیب دتے جاندے نیں۔ پر ایہدے وِتح نویں تے نوکللی گل ایہہ اے کہ اقبال نجھی نے باقاعدہ منصوبہ بندی کر کے ہر حرف لئی اک ردیف چنی اے تے ایس طرح جتنے حروفِ تہجی نیں اوہناں تے غزلاں اکھیاں نیں۔ ایس ترتیب وِتح شاعر نے اوہ دوہرے حرف وی نہیں چھڈے جیہڑے کسے حرف نال ”ھ“ ہلا کے بندے نیں۔ ایہدے توں دھیان سی حرفی دل چلا جاند اے سی حرفی دے شاعر سارے تہجی حرفاں دے حساب نال سی حرفی دے شعر، بیت، بندیاں دوہڑے لکھدے نیں۔ ایچھے فرق ایہہ اے کہ سی حرفی وِتح ہر بندیاں، بیت تے دوہڑے وغیرہ دا پہلا لفظ اک خاص حرفِ تہجی توں شروع ہوندا اے پر ردیف وِتح ایہہ ترتیب اوس حرف دے حساب نال کیتی جاندی اے جیہڑا ردیف دے اخیر تے آوندا اے۔ مثلاً سی حرفی وِتح ”الف۔ اللہ چنبے دی بوٹی“ توں مصرع شروع ہوندا اے۔ پر اقبال نجھی دی الف ردیف دے اخیر وِتح آوندا اے۔

بجے کر خوشیاں آکے سبنا میرا دل ورچا یا

دس کھاں مینوں کیہڑی گلے توں نہ ویکھ سکھایا

غزل وِتح ردیف تے قافیہ دی قید نوں کئی واری شاعر دی تخلیقی اہنج اُتے اک سخت پابندی وی سمجھیا جاند اے تے بعضے شاعر تے قافیہ ردیف دے جال وِتح پھس کے مضمون، خیال، احساس، جذبے تے سوچ نوں تکیے چھڈ جانے نہیں۔ اک تے قافیہ تے ردیف کوئی بے معنی لفظ نہیں ہوندے تے ایس واسطے شعر آکھن لگیاں اینہاں دا لحاظ رکھنا ضروری ہوندا اے۔ دوجی گل ایہہ کہ جدوں شاعر نے اک ردیف تے قافیہ مقرر کر لیا تے پھیر اوہ ایس چیز دا پابند ہو جاند اے کہ اوہناں لفظاں دی حد دے اندر ای اوہناں معنیاں نوں بیان کرے جیہڑے ایس ردیف تے قافیہ دی ولگن وِتح آوندے نیں۔ ایہہ مشکل اپنی تمام اُتے اک وڈی مشکل اے۔ پر جدوں شاعر اپنے اُتے ایہہ پابندی وی لالوے

کہ اوہنے ہر حرف واسطے اک ردیف قائم کر کے غزل اکھنی اسے تے پھر کم کچھ
 ہو روی اوکھا ہو جاندا اے۔ اقبال نجی لے ایس اوکھت داخل ایہہ بھیالے کہ
 اوہنے ردیف دا انتخاب اپنے موضوعاں مضموناں تے معنیاں نوں ساہنے رکھ کے
 کیتا اے۔ عروس دیاں کتاباں وِچ بولدا ہویا قافیہ ورتنا شاعر دی بڑی خوبی سمجھی
 جاندی اے۔ مطلب ایس توں ایہہ ہووے کہ قافیہ تے ردیف دی مناسبت دے
 حوالے نال شاعر مصرع ایس طرح آکھے کہ قافیہ تیکر اُپر دیاں اُپر دیاں سُنن والے
 نوں آپوں ای اندازہ ہو جاوے کہ ایس شعر دا قافیہ کیہڑا خاص لفظ ہووے گا تے
 مشاعرہ پڑھن والے ماہر شاعر تے دو جا مصرع پڑھدے ای تقریباً ادا ہا پوناں تے
 قافیہ تے سُنن والے داد دے انداز وِچ کورس دی شکل وِچ دہرا دیندے سن۔
 مثلاً غالب مشاعرے وِچ ایہہ شعر شاید اچ سناوے۔

ملتی ہے خوشے یار بے نار انتہاب میں

کافر ہويا گر نہ ملتی ہو راحت عذاب میں

راحت اُتے شاعر چپ کر جاندا تے سامعین بے اختیار داد دیندے واہ بھی
 واہ کیا باندا ہے ”راحت عذاب میں“ راحت تے عذاب دو ضدّاں نوں شاعر
 نے کیس کمال نال اکٹھا کر دتا اے۔

پرواقبال نجی نے جیہڑا انداز اختیار کیتا اے۔ ادبیاں بعضیاں غزلاں وِچ تے
 ردیف تے قافیہ غیر جانبدار ہوندا لے یعنی اوہ مضمون دی تشکیل اُتے اثر انداز نہیں
 ہوندا۔ پر بہتیاں غزلاں وِچ ردیف قافیہ بولدے ہوئے قافیہ وانگوں اک شعر
 ای نہیں سگوں پوری غزل نوں اک وحدت وِچ بدل دیندے نہیں۔ ڈر، فریب،
 چپ، ملوث، جھوٹ تے سانجھ وغیرہ تے ایس انداز دے ہو بہت سارے قافیہ
 یاں ردیفان جہیاں میں جھان غزل دے مضمون نوں اک خاص نقطہ اُتے مرکوز کر
 دتا اے۔ ایسے واسطے اقبال نجی دیاں کئی غزلاں وِچ مسلسل غزلاں دا رنگ ظاہر
 ہو گیا اے۔

جیہڑی چیز نوں اسیں اُتے شاعر دی مشکل دے طور تے پیش کیتا سی اقبال نجی
دن فضا روئے اوہدے وِچ وی اپنے واسطے اک سوکھی راہ کڈھ لئی اے۔ بیس
طرح سی ترفی وِچ پہلا حرف یاں لفظ مضمون دی اکائی وِچ اک بنیادی اہمیت رکھ
دا اے۔ ایسے طرح ایہناں غزلاں وِچ قافیہ تے ردیف نے مضمون نوں اک
خاص رنگ عطا کیتا اے۔ ایہہ اصل وِچ اقبال نجی دی فنکارانہ صلاحیت دا اک
اُچا نمونہ اے۔

ایہہ جیہڑی بحث اُتے اسیں کیتی اے ایہہ تے اقبال حمی دی تکنیک دے
حوالے نال سی۔ جتھوں تیکر تن دی دستی وِچ اُترن والیاں ایہناں درد بلاواں دا
تعلق اے تے ایہناں دے مونہہ مہاندرے یاں مین نقشے دا واسطہ اے۔ مانوں
ایہہ سمجھ لینا چاہیدا اے کہ ایہناں بلاواں نے اپنے مونہاں اُتے فریب تے مکر
دے نقاب پائے ہوئے نیں۔ ایہناں دے ہتھ وِچ جھوٹھ، مکر، فریب، خوف،
بے انصافی، ظلم، خود غرضی، لوجھ لالچ تے استحصال دے تیز تے خونخوار خنجر پھڑپھڑ
ہوئے نیں۔ جیہناں دیاں ترکھیاں نوکھاں تے زہر بھریاں دھاریاں نال ایہناں نے
وستی دیاں بنیاداں وِچ ترکھیاں پاؤئیاں نیں۔ پر ایس توں ایہہ مطلب اخذ نہیں
کر لینا چاہیدا کہ اقبال نجی نے ایہناں درد بلاواں دے ذکر نوں سدھے سڈھے انداز
وِچ وعظ نصیحتاں دے ڈھیراں داروپ دے دتا اے۔ اوہدے ہاں مضمون
بھانویں وعظ نصیحت والے تے اخلاقی پکھ دے نیں۔ پر اوہنے ایہناں دے
اظہار واسطے جیہڑے سچے گھڑے نیں اوہ فنکاری دی رمز توں خالی نہیں۔
مثال دے طور تے اوہ جدوں ایہہ کہندا اے۔

ڈھیب پٹی جے کر چھپت تے دسوکندھاں دا کیر دوش لے

کندھاں اوتھ اے کھیاں سی، جد ملہ تھلے آیا

ایس تے اک ایہی کیفیت سامنے آجاندی اے جیسی نوں اکھڑاں دے

۔ وگن وچ ڈکنا اوکھا ہو جاند اے۔ یاں جدوں اوہ ایہہ دسنا چہندا اے کہ

اج دے سماج وِچ بیگانگی تے بد اعتمادی بہت ودھ گئی اے تے اوہ ایہ انداز اختیار کر دالے۔

دیسوں گدھ پر دیس لیجان دے، جتیاں نوں وِچھ دیندے
خواہشاں، سدھراں، تانہنگاں والے میں تیراں توں ڈریا
مضمون دے مڈھ وِچ اسیں پرانیاں داستاناں وِچ ظاہر ہوں والی بلا
دے جیس کر دار دا ذکر کیتا سی۔ انج جا پیدا اوہ اج دے جدید دور اندروی
کدھریوں غیب وِچوں آن وارد ہوئی اے تے اوہنے اپنے پنچے وستی وِچ گدھ
دے تے نہیں۔ جیس پاروں وستی وِچ خوف تے ہراس دے پرچھاویں کھل گئے ہیں۔
تن وستی دیاں گلیاں سنجیاں ہو گئیاں نہیں، چپ دے پہرے لگے ہوئے ہیں
تے ہواواں ہو کے بھر رہیاں نہیں۔

شکر دو پہر! اے چھاواں چپ
سنج سنجیاں راہواں چپ
دُکھ ملیا تے اُچی رو
کیوں نہیں ہو کے ہواں چپ
تن وستی وِچ بہہ کے سبھ
ہوئیاں درد ہلاواں چپ
تے ایس کیفیت دا کلامیکس ایہ شعراے :-

دھرتی لئے نہ اُچا ساہ
ڈیرے سنجے واواں چپ

ایہ کیفیت اصل وِچ سماج وِچ کھلے ہوئے ظلم تشدد سماجی بے انصافی
معاشی بد حالی سیاسی گھٹن تے انسانی بے حسّی دی اوہ کیفیت اے جیہڑی
وحشت تے بربریت وِچ بدل گئی اے۔ آدم بو آدم بو کر دیاں ڈیناں نے
معاشرے نوں اپنے مکروہ پنچیاں وِچ جکڑ لیا اے۔ تے انسان جیاتی دی ۔

پھری بکل مار کے کھونجیاں وِج لکھا وقت گزار رہیا اے۔ اوہ اینہاں ڈنیاں
 دامقابلہ نہیں کر سکتا۔ کیوں ہے اوہ بے اندروں بلاواں نال ٹکراون دی شکست
 کھوہ لئی گئی اے تے اوہدی روح اندر خوف دے جرثومے بھر دتے گئے نیں۔
 اک ہور اہم گل جیہدے ول اشارہ کرنا ضروری اے اوہ ایہہ اے کہ
 اقبال نجی نے جیہڑیاں معاشرتی برائیاں دا ذکر کینا اے۔ اوہناں دا خیال یاں تصور
 صرف اوہدی اپنی منطقی سوچ دا نتیجہ نہیں اے۔ سماج وِج ایہہ براہِ اہم عمل
 جیسیں طرح ظاہر ہوئیاں نیں اوہناں ول نجی نے بڑے واضح انداز وِج اشارے
 کیتے نیں۔ مثلاً پچھلیاں کچھ ورہیاں توں ساڈے دیس تے ساڈے سماج اندر
 ”نظریہ ضرورت“ دی اک بحث چلی سی تے ایس نے ساڈی سماجی تے سیاسی
 حیاتی اُتے بڑے ڈونگھے اثرات وی مرتب کیتے۔ ایس دا ذکر شاعر نے بڑے فنکارانہ
 انداز وِج کیتا اے تے ایس رویے نوں جیسیں طرح استعمال کیتا گیا اوہدا اظہار۔
 دکھ بھریا وی اے تے طنز بھریا وی۔

سنگت جھوٹ عداوت جھوٹ
 بنیا اِج ضرورت جھوٹ
 پیسے لے کے ہوندے قید
 بولن وِج عدالت جھوٹ
 ویلا ہو یا اِج تبدیل
 لگے سچ شرافت جھوٹ
 لوکیں اِج تے چسکا لین
 بول کے بلا ضرورت جھوٹ

اقبال نجی ساڈے اِج دے معاشرے دا شاعر اے۔ اوہ بے آلے
 دوالے دی حیاتی وِج جو کچھ ہو رہیا اے اوہنوں اوہدی ات دی احساس اُکھ
 ویکھ رہی اے۔ ایسے کارن اوہدی شاعری وِج حقیقت پسندانہ رویے ظاہر

ہوئے نہیں مایہناں رویاں تے قدراں نوں ظاہر کرن واسطے اوہنے جہڑے اعتبار،
کنائے تشبیہاں تے رمزناں اخذ کیتیاں میں اوہ اپنے ماحول وچوں ای اخذ کیتیاں
نیں۔ کتے کسے کتھاں تے لفظ دی کسے خاص خصوصیت دے حوالے نال وی
بڑا سوہنا مضمون پیدا کیتا اے۔

اک دے لکھ بناون والے اج ایہہ اکھن

جیلاں لٹیاں کر تقریراں تیری خاطر
ایس عہد نے ساڈے سماج نوں جتھے ہور لغتاناں عنایت کیتیاں اوہناں
وچ اک مکروہ چیز دو غلا پن اے۔ ایس اک اک چہرے اتے کئی کئی چہرے
سجائے ہوئے نیں۔ جھوٹی شرافت، دیانت، امانت، ذہانت، امتانت دے
ماسکاں دے پچھے تلخ حقیقتاں دے چپک زدہ چہرے نیں۔ نویں نویں دولتیں
خود ساختہ سماجی، ادبی، سیاسی تے سماجی خداواں نے معاشرے وچ دو غلی
کیفیت نوں اینار و اج دنا کہ حق سچ دی اہل شناخت وی اک مسئلہ بن گئی اے۔
ایس دو غلی پن نوں اقبال نجی نے تخلیقی سطح اتے محسوس کیتا اے تے ایس تے
اک فنکار دے حوالے نال دکھ دا اظہار وی کیتا اے۔

کتنے نکلتے کھولے کاغذ

بندہ بندہ ٹولے کاغذ

ناکامی دیاں مہراں توڑے

جتھے جا کے بولے کاغذ

نہ ایہہ سبج، نہ ایہہ دشمن

کتنے ویکھو بھولے کاغذ

اک دے کول نہ جج دی روٹی

دو جا ویکھو رولے کاغذ

ایسے طرح اقبال نجی دے ایس شعر وچ سانجھ دی ذومعنویت بڑے

غور دے قابل اے ۔

ہمسایاں تھیں سانجھ دا مینوں کوئی نہیں رشتہ وسدا
دوواں دے وچکارتے رہ گئی بس کندھاں دی سانجھ
اقبال نجمی نے ردیفوں دی رنگارنگی دے حوالے نال رنگ برنگے مضمون
پیدا کیتے نیں مثلاً ”ناقص دی ردیف توں فائدہ اٹھانداں ہوئیاں پوری غزل رُج
جھری کیفیت پیدا کر دتی اے ۔

ساڈے رنگ تے ایہ تصویراں سبجے ناقص
ساڈے حرف تے ایہ تحریراں سبجے ناقص
عزتاں شاناں دے لائق بس ذات اے اوہدی
ساڈیاں ہون لکھ تو قیراں سبجے ناقص
ایسے ضمن وچ عاشق والی ردیف دا ذکر ضروری اے ۔ ایس ردیف والی
غزل وچ نجمی نے عشق دیاں وکھو وکھ کیفیتاں نوں ایس لفظ دے حوالے نال
جیس تخلیقی سطح اُتے پیش کیتا اے ، اوہدی داد نہ دینا بے انصافی ہوئے گی ۔
عشق دے مضمون نوں جدید مفہوم دے کے آج دے عہد دے مسئلے نوں
بُری خوبصورتی نال بیان کیتا اے ۔

اپنی دلگن نوں سبھ پوچھن
نہ گجرات نہ جھنگ دا عاشق
ایٹم روز بناون والا
نجمی لگدا جگ دا عاشق

غزل اک عجیب صنفِ سخن اے ۔ اک پاست ایہدے اُتے ایہہ الزام
دھریا جاندا اے کہ ایہدے وچ شاعر واسطے بڑیاں پابندیاں نیں ۔ تے
شاعر نوں خاص طور تے قافیہ ردیف دی پابندی دی وجہ نال کھل کے اظہار
داموقع نہیں لبھدا ۔ دو جے پاسے ایہ وی اکھیا باندا اے کہ غزل دے مضامین

محدود نہیں تھے ایسے واسطے شاعر اک خاص ڈگر اُتے چلنے واسطے مجبور اے۔
 پراہدے نال ای ایہ حقیقت وی اپنی تھاں اُتے قائم اے کہ غزل نے جتنے
 وی روپ بدلے نہیں اوہ خورے ہو کر کسے شعری صنف نے نہ بدلے ہوں۔
 اردو وچ غزل آون توں پہلاں ایس زبان وچ جیہڑا اسلوب رائج سی اوہنوں
 اوس سہ دے اک شاعر نے زبان وکھی وچ اک لچر جیہی گل قرار دتاسی پھیر
 غزل نوں وتی تے میر و گے شاعر نصیب ہوئے تے ایس کلاسیکی رنگ وچ وی
 غالب تیکر اپڑیاں کئی نقشے بدلے گئے۔ غالب نے وی ”تنگنائے غزل“ داسکوه
 کیتا۔ پر پھر اک عبوری دور توں بعد علامہ اقبال نے ایس صنف نوں کدھرے داکدھرے
 اپڑا دتا۔ پنجابی شاعراں نے حقیقت وچ تے رواں صدی دے مڈھ وچ غزل
 ول توجہ کیتی۔ ایہجے وی مولا بخش کشتہ دے کلاسیکی رنگ تے پھیر پر فضل گجراتی وی حافظ
 ورگی سرستی توں رؤف شیخ تیکر اپڑیاں پنجابی غزل نے اپنا اک وکھراتے نو لیکلا اسلوب
 قائم کر لیا۔ پنجابی غزل دے متعلق خورے مجموعی طور تے ایہ کہنا جائز ہووے گا کہ
 ایہدے وچ جدید دور دا شعور تے احساس (SENSIBILITY) نے بڑا واضح اظہار
 کیتا اے تے اوہی اک جدید تر مثال اقبال نجی دا ایہ مجموعہ غزل ”تن و تنی
 وچ درد بلاواں“ اے۔ جیہدے وچ قافیے تے ردیف دی سختی نال پابندی
 کرن دے نال نال ایس سہ اندر جیہڑے ذہنی یا جذباتی، معاشرتی یا معاشی
 سیاسی یا ثقافتی مسئلے سامنے آئے نہیں اوہناں دا تخلیقی سطح اُتے اظہار ایہناں
 غزلاں وچ ویکھ کے طبیعت وچ اک طرح دا آسودہ کھلار پیدا ہو جاندا اے۔

ڈاکٹر محمد اسلم رانا

استاد شعبہ پنجابی، جامعہ پنجاب

لاہور



جیون دے دکھ چھنڈاں کیوں، تدبیراں توں ڈریا
چکھدا نسئیں میں پیراگاں نوں، تقدیراں توں ڈریا

کیڑی جاوے پرلے کنڈے، کچے اُتے ترکے
ہر سوہنی دا جذبہ اے، اج تاثیراں توں ڈریا

میرے ساہنئے آندے نیں جو ظاہری روپ لکا کے
ٹوٹنے گنڈاں لاوَن والیاں، میں پیراں توں ڈریا

جتھوں بڑھ کے اُتر جاوے، بندہ پٹری اُتوں
انج دیاں میں ادھ کچ ہویاں، تحریاں توں ڈریا

اوہنے اپنا کھوج مکایا ، اس دُنیا دے اندر
جتنے اپنا کھوج اے پایا ، تقصیراں توں دُریا

عہد غلامی جتنے تکیا ، کردا توبہ تہلا
آزادی دی خیر اوہ منگدا ، زنجیراں توں دُریا

دلیوں کڈھ پردیس لہاندے ، جُتیاں توں ونہ دینے
خواہشاں ، سدھراں ، تانہنگاں والے ، میں تیراں توں دُریا

بھاویں تھوڑیاں ہوون ساٹیاں ، مینوں سچیاں دیویں
بے ثابت تے جھوٹیاں سمجھناں ، تو قبراں توں دُریا

شرم جیا جو کھوہ لین آکے ، نجھی منظر ایں وچوں
پھلجڑیاں دے وانگوں کھڑیاں ، تنوراں توں دُریا



اوہ تیر جفا دے سُدا رہیا
میں نال وفا دے بچدا رہیا

پھل زخماں والے کھڑ دے رہے
مینہ پتھراں والا وسدا رہیا

انج کُٹیا سانوں رہبر نہیں
اوہ کُدا نالے ہسدا رہیا

میں لفظاں والے دائرے وچ
اک نقطہ بن کے نچدا رہیا

جد مال مرے کچھ پتے سی
ہر حال اچ اوہنوں چچا رہیا

میں دور کھلتا وہندا ساں
اوہ ڈونگھے پانی تردا رہیا

سپ بن کے ورثہ تھاں تھاں تے
ہر پیار دی سانجھ نوں ڈسا رہیا

اج منبا ہووے جھوٹے دی
اج ویلا کہتے سچ دا رہیا

اوہ نجمی رُس کے ٹر گئے سن
پر پیار دا توںبا وجدا رہیا



اپنے دل دا بھیت لکانا
بلدی اک نوں ہور مچانا

وعدہ کرنا سوکھا کم اے
اوکھا اُس نوں توڑ چڑھانا

کھروا کھروا اس لئی کونواں
میں چاہنداں سانجھ مکانا

لوکاں لئی وڈیاں بن گئی
اُجے اُچے کوٹھے پانا

ساون رُت اے سُکئی چھکی
دھرتی دا اس ساڑ ودھانا

وٹ پاندا اے جیہڑا مُتھے
اُس دا بول کیکھ کھڑکانا

اوپر اتے ورتارا ' ایہو
سدھی گل نوں ول وِج پانا

دکھ دی چھان بے لورا دیوے
سکھ نوں کاشتوں کول بلانا

نجھی ایہ وی دس کوئی گل اے
اپنی گل نوں پیا وڈیانا



جے کر خوشیاں آ کے بچناں میرا دل ورجایا
ایناں دس کھاں کیٹھری گلے توں نشیں ویکھ سکھایا

کون سی میرا جیہڑا چکدا بے میں ٹھیدے کھاندا
ایسے لئی میں ہولی ہولی جیون پنہاں مکھایا

مہک مہک روند او سے نوں اتی تکیا جگ دے اند
بے درداں توں جنھے نشیں سی اپنا درد لکھایا

ڈھیبہ پئی جیکر چھپتے دسو کندھاں دا کیہ دوش اے
کندھاں او تھے کھلیاں سن جد ملبہ تھلے آیا

جیون میرا نچ اے جیویں تھکیا ماندا راہی
یاد سجن دی ایسراں جیویں سنگھنے رکھ دی چھایا

جھٹوں مان اے اپنے آپ تے اُس نے منزل پائی
جھٹے لہجے سانجھ سہارے بند، کوہ کھڑکایا

بھاویں کتنا پیار جتا یے خوشبوئیں جے پھٹی
وہج دلاں تے ہوئے جیکر ویر دا زہر سہایا

کیٹھرا اے آج سچ لئی جیہڑا زہر پیالا پیوے
سمجھ نے بوجھے مال اے پایا جھوٹے نوں موڈھے چایا

ساڈے دل جد آنی نہیں سی رت سہانی نچھ
کاہدے لئی فیر دل جھٹے نیں ایناں جشن منایا



پیارے شوہ وِچ رُڑھ کے اوڑک تر جاواں گا
تیرے لئی جو بچیا میتھوں ، کر جاواں گا

اس نمبرے چوں کڈھنا نئیں جے مینوں یارو
چانن دیکھ کے ایویں کدھرے ڈر جاواں گا

مینوں جھوٹھا کر کے ہو جا سچا توں وی
میرا کیہ اے ایہ وی بازی ہر جاواں گا

کھیسا میں کٹوا بیٹھا واں گلپیں لگ کے
کیہڑے مونہہ نال دستو میں ہن گھر جاواں گا

اپنی جان تے بھوگاں گا سبھ دکھاں نوں میں
تیرے لئی پر سکھ دی بُر کی دھر جاواں گا

یاراں دا میں لینا نہیں، احسان کوئی دی
اپنے، سہتھیں ڈوب کے بیٹری مر جاواں گا

بھوٹے رنگ بھرن دی مینوں جاچ نہیں آئی
اپنا رنگ میں پیارے رنگ اچ بھر جاواں گا

تیراناں میں آن نہیں دینا اس قصے وِج
ہراو کڑ میں اپنی ہک تے جر جاواں گا

اوہنے خوے کئے چا نال سدیا بنجھی
بھاویں مہتوں جان نہیں ہوندا پر جاواں گا



کو، سچی دُنیا یار سچیل
سوہنا سبھ توں پیار قبیلہ

اوہنے سُکھ ہنڈائے ایٹھے
جھٹھے کیتا اے کجھ جیلہ

اک دِن سبھ برابر ہونا
نیویں کھائی اُچّا ٹیلہ

جے توں اوگن ہار نہیں تے
تیرا رنگ کیوں پے گیا پیلا

دو دھاری تلوار دے وانگ اے
سجّج میرا چھیل چھبیل

پیار اُمڈگاں کیوں نہ پُنگرن
موسم ہو یا اے شرمیلا

راہ نئیں لبھدے مُرشد باہجوں
بھالاں میں وی نت وسید

نیکی دا کیہ بھاء پچھنا ایں
اُس دن بھارا ہو جاؤ تیل

موہنہ پر نے اوہ ڈگیا بجی
جیہڑا بنیا سی پھرتیلا



اک اک ورق پھرو لیا دل دی کتاب دا
پایا نہ فرومی بھیت میں اپنی جناب دا

مچھتی کرن نہ کوئی وی میرے لسی کدی
کرنا واں انتظار میں اوہدے جواب دا

کردا میں ظلم کوئی تے کر کے بھلاؤندا
ہوندا جے میں وی بیلویو پتر نواب دا

مچھل تے طراں طراں دے نیں سستی دے باغ وچ
آیا لے میرے حصے وچ مچھل اک گلاب دا

میرے ایہہ جُرمِ گننے نیں آخر جے میرے ناں
کوئی شریک کیوں بنے میرے ثواب دا

پُچھا پوے تے لاؤندا نانویں لعین دے
کردا اے آپ بندہ ای بہر کم شتاب دا

خود نوں توں ہر خطا توں جے ہے پاک جان دا
الزام کس نوں دیویں گا حالت خراب دا

میرے ای نانویں لاؤندا اوہنے جو کیتیاں
پکّا واں اوہنوں دس دیویں وی حساب دا

ہستی ہری تے لُسدے صحرا دے وانگ سی
چھایا نہ جس تے کوئی وی ٹکڑا سحاب دا



سارے رشتے ، پیار فریب
کشتی تے پتوار فریب

دسیے کیہ ہن اپنا حال
کیتے رُت بہار فریب

ادھنوں آوے کسراں ہوش
جیدی جھولی ہار فریب

دختاں مارے کدھر جان
محفل دا شنگار فریب

اوہدے سارے نقلی روپ
جیدا اے کردار فریب

جھوٹے نکلن سبھ فرمان
کردی اے سرکار فریب

بھیے جا کے کیدے کول
بن جانڈے اتبار فریب

اج درویشی اُکھا جھوٹ
ایہ وے دھوکھا وار فریب

کیہ ایہہ نجھی پے گئی ریت
یار تھیں کردے یار فریب



سی کے بہر نہ اپنے لب
سدھراں نوں نہ بھلیا دب

ویلے توں نہ دھکے دے
سکھ لے کوئی جیون ڈھب

اوتھے اوتھے بھڑدے پھل
جتھے ہمت رکھدی پب

پہلاں سوچ کے گل توں کر
جیہہ نہ اپنی مگروں چب

منزل اُتے اپڑاں گے
چاہیا جے کر میرے رب

جے مالک نے دینا لے
آپے لانا اوس سبب

دکھ دے پتھر دُور ہٹا
سڈھی ہووے راہ کڈھب

سوچھ بوجھ تھیں ہر کم کر
رانج نہ ایدھر اودھر یب

اوہ اک حُسن دا پیکر اے
نجمی سوہنی اوہی چھب



بول مٹھے پیار کیتا کامیاب
اوس نوں معیار کیتا کامیاب

زخم کھادے اوس نے پر ہریانیں
عزم دی تلوار کیتا کامیاب

لوک سارے کہہ رہے نیں دے کے ووٹ
اوس نوں بیکار کیتا کامیاب

لے گیا پردیس تینوں تیرا شوق
تینوں تیری ہار کیتا کامیاب

اوہ ہمیشہ توں رہیا سی تشنہ کام
پیار دے اظہار کیتا کامیاب

پہلاں انج دی کیتھے سی دس تیری ساکھ
تینوں تے دلدار کیتا کامیاب

اوکڑاں تے مشکلاں دی کٹی قید
ویلے دی رفتار کیتا کامیاب

توں کسے توں کیتھے ہی دس ہارنا
تینوں تیرے یار کیتا کامیاب

بجھی دا تے جد وی ہویا امتحان
جذبیان دی نار کیتا کامیاب



سُجھی اے اک بچھ عجیب
اپنا لہو آپ نصیب

کیوں دسو مارے واج
گوں لگا ہوا اج نقیب

دُکھ دا دارو لہجے کنج
روٹی بن گئے سمہ طبیب

دیئے کیدے سر الزام
گڈھے کیدے لئی صلیب

بے عملی دا آیا ہڑھ
رڑھ گئے سامع نال خطیب

رج گئے ایتھے ہور امیر
جروے پئے نیں جھکھ غریب

جھٹھاں نوں سی دتے بھیت
اوہو ساڈے بنے رقیب

جس دی چینیے ہووے مال
اوہے سارے ہون قریب

نجمی ویکھ نہ لوں گنوا
راج دے کتھے ملن حبیب



پاؤں جھگڑے جھیڑے جیجھ
سجّی یار نکھیڑے جیجھ

دُکھ ، دلدر رنج ، ملاں
سارے روگ سہیڑے جیجھ

بک بک جھک جھک کردی ایہ
چُکدی سرتے ویہڑے جیجھ

گوکاں مار کے سدھے پیٹی
دیوے پیار سنیہڑے جیجھ

جی جی کر کے دلِ جت لے
جھگڑے کتے بھٹیڑے جیجھ

ڈھولے ماہیے سانجھ دے گیت
سانول دے تئی پھیڑے جیجھ

بھردی بُنداں چاہ دے نال
پیار دے دے کے گیڑے جیجھ

لیندی چمکے ایہہ دن رات
چکھدی لڈو پیڑے جیجھ

نجمی ایہنوں لئیں نہ چھیڑ
بخنے سبھ اُدھیڑے جیجھ



دستو کتھے عزتاں تھیں، عزتاں دا ہُن ملاپ
ہو رہیا اے دولتاں تھیں دولتاں دا ہُن ملاپ

اپنی اپنی ذات و ترح اسی ہو گئے نہیں قید لوک
مک گیا اے دوستاں تھیں دوستاں دا ہُن ملاپ

توں وی آکے اندراں دے روگ دا ہُن بھہ علاج
ٹھیک نہیں اول شیشیاں تے پتھراں دا ہُن ملاپ

زندگی دے کول تے ہُن رہ گئے نہیں بس فریب
نال ایہدے ہووے گا کنج عظمتاں دا ہُن ملاپ

رات نوں آرام نہ ای چین دِن نوں اے نصیب
دس کتے ای راحتاں تے مَختاں داہن ملاپ

تجربے دی بھینٹ چڑھدے ماڑیاں دے دھیاں پُت
جس جگہ وی ویکھنا واں طاقتاں داہن ملاپ

پیندیاں نیں ونڈیاں تے ملدیاں نیں کُریاں
چوراں رستہ گیراں تھیں اے شہرتاں داہن ملاپ

وعدیاں نوں توڑ کئے اوہ ڈٹ گیا اے ویکھو
ہورہیا بے دوشاں تھیں کنج مقلاں داہن ملاپ

ویلا تیرا آگیا اے نجمی دل نوں توں سنبھال
جگنوواں دے نال ہو یا جگنوواں داہن ملاپ



شکر دوپہر اے چھاواں چُپ
سُج مسجیاں راہواں چُپ

دِن سبناں دے آون دا
وٹی کیوں اے کاناں چُپ

دُکھ ملیا تے اُچھی رو
کیوں نہیں ہوکے ہاواں چُپ

تن وستی وچ بہہ کے سبھ
ہویاں درد بلاواں چُپ

میری میری اوتھوں تک
جد تک ہوں نہ ساہواں چپ

سُفنے وانگ اے تیری گل
یاد کراں ہو جاواں چپ

اچھے ساہ نہ دھرتی لئے
ڈیرے سنجے واواں چپ

سانوں کنج انصاف ملے
وٹ لئی سبھ گواہواں چپ

اپنا بھیت نہ دیون ایہ
بخمی وانگ خلاواں چپ



زلفاں دے وِج پھانا جانے اوہدا روپ
اکھ دے تیر چلانا جانے اوہدا روپ

مینوں جچدا اوہدے پیار دا ہر اک رنگ
ونگاں نوں چھنکانا جانے اوہدا روپ

اوہدا روسا اوہدیاں ہور اداواں وانگ
دل نوں وی تڑفانا جانے اوہدا روپ

خوشیاں مانے ہستے کھیڈے سبناں نال
ستے بھاگ جگنا جانے اوہدا روپ

مینوں تے بس پیاری لگدی اوہدی سانجھ
بُھل بھلیکھے پانا جانے اوہدا روپ

دِن وی سوہنا رات وی سوہنی اوہے نال
دُھندلی اگ مچانا جانے اوہدا روپ

مٹ جاندی اے بُھکھ اکھیاں دی دینیاں سار
اکھیاں وِچ کھب جانا جانے اوہدا روپ

پیار دے گہنے پانکے کروا نیت شگھار
عشق نوں وی وڈیا نا جانے اوہدا روپ

دھڑکن دا سنگیت اوہ پھیڑے نجمی لئی
ہتھیں دا گ پھڑانا جانے اوہدا روپ



خورے کدھر لاوے پھیرے سجنائی دی لپھ
مینوں آن چفیر لوں گھیرے تنہائی دی لپھ

اُس دھرتی دے لشکائے وی دل آسمان دے جان
جس دے ذریاں وِچ سماوے دانائی دی لپھ

ڈگے لاکے رکھالے اج پیر پیر تے جھوٹ
دھکے کھا کھا ہف چلی اے سجنائی دی لپھ

نہی جی اک بھل کر بیٹھالے کے تیرا ناں
جیہڑی راہ توں لنگھاں ڈنگدی رسوائی دی لپھ

میرے چار چپیرے ایسراں دکھاں دا اے جال
نیڑے آن توں گھبراندی اے شہنائی دی لپھ

ہر تھاں اُس دے لشکراے جو سبھ دا پالن ہار
اوہو ذات امی جگ تے ونڈ دی رعنائی دی لپھ

دھوتے لیٹرے پاون والے ہو کتے مندے حال
میرے دیس اچ آئی ایسراں مہنگائی دی لپھ

انج سمچا ساڈے اندر شہوہ چنے دا زہر
جھاتی پاواں نمظر نہ آوے لوکائی دی لپھ

اوسے دن ای پیواں گامیں نجمی رج رج جام
جس دن سبھ بے ویہڑے اتری رُشنائی دی لپھ



گاندا میں وی سُکھ دے گیت
بن دا جے توں میرا میت

ہاں جے ہلدی ہاں دے نال
اینی فیر نہ ہوندی ریت

لبھتی نہیں جد سُکھ دی چھاں
لائی دُکھاں نال پریت

جیون دے وِج گھنجل پان
جیہڑے پل وی جاوَن بیت

پڑھ کے میں ہُن درد کتاب
بیٹھا واں دو رکتاں نیت

جد میں لیناں سچ دا ناں
میرے گل وِج پان تویت

کر دیوے جو نخیے دُور
اج نبھا ہیے اوہو ریت

بیٹھن مٹیک نشانے تیر
ہووے گی فرساڈی جیت

دل وِج بالے پیار دی لاٹ
بجھی ایسا چھیڑ سنگیت



مرے چارے پاسے بہاراں دی صورت
رُے لاندی پھیرے نگاراں دی صورت

ملاوٹ وی کرئیے تے دھوکے وی دیئے
بدل دی پٹی اے بہاراں دی صورت

شرک تے جہالت نے لائے نیں ڈیرے
ایہہ تگنو کھاں جا کے مزاراں دی صورت

تسیں اپنے دشمن دی تکلیف اُتے
کدے وی نہ ہسنا گنواراں دی صورت

ایہہ جھولا دے پیندا پٹی میلے لگا
میں وہیناں وال جد وی بناراں دی صورت

بڑے لاڈ تھیں جیہڑے دھیاں نوں پالن
وداع اوہ وی کر دے کہاں دی صورت

ایہہ کڑیاں دے ٹولے سوہے لیڑے پاکے
منظر آندے دوروں چناراں دی صورت

جیہڑے وعظ کر دے سی کل توڑی مینوں
ٹرے جاوندے سن مے خواراں دی صورت

مرے ولین تک کے اوہ آہندے نیں نجمی
کدوں رنج دی ہوندی بیماراں دی صورت



ہیریا بن کے آئی دکھ دی رات
قسمت جان کے گل نال لائی دکھ دی رات

سوچ دی سولی چڑھیاواں میں ایدے نال
فکر دے بھانبر نال سجائی دکھ دی رات

توڑ کے پیرے سائے یاداں گئیاں ڈنگ
اپنے نال امی میں زخمائی دکھ دی رات

میرے دل وچ ہن تے ایہو پلدا خوف
کدھرے نطے نہ ہرجائی دکھ دی رات

سیوا کیتی اس دی پیار دے چاں نال
چاواں تہجھاں تھیں رُشنائی دکھ دی رات

ایہدے باہنچھ نیئیں ملدا مینوں کدھرے چین
کیتا مینوں کنج سودائی دُکھ دی رات

ایہنوں خورے کیہ ملیا اے رہ کے میرے نال
بن گئی میری تے پرچھائی دُکھ دی رات

مینوں جھپے پاوئے دیوے میرا ساتھ
میری وندے ایہہ تنہائی دُکھ دی رات

کچھ گھڑیاں لٹی رہ کے نجمی میرے کول
اپنی کر دی اے وڈیائی دُکھ دی رات



سانجھ توں اُٹھ کے مال پرایا رنگ لے اپنے ہتھ
گھر آئی او چل کے مایا رنگ لے اپنے ہتھ

محنت دی گل چھڈ دے ایتھے چلدا مکر فریب
سبھ نے ایہو گر آزمایا رنگ لے اپنے ہتھ

لوڑاں تھوڑاں دا ہُن ایتھے رولا پا توں خوب
کیڑا تینوں ویکھن آیا رنگ لے اپنے ہتھ

کھویا موٹی ہونڈی پئی لے توں وی لٹ لے عیش
فیر نہ کشیں توں میں ترہیا رنگ لے اپنے ہتھ

دیکھ کے مندیاں گلاں توں ہُن دل نہ اپنا ساڑ
کاہرے لئی توں مکھ پر تایا رنگ لے اپنے ہتھ

پیسہ سبھ دی منزل بن گئی توں وی اکھیاں کھول
توں کیوں سچ دا سانگ رچایا رنگ لے اپنے ہتھ

وڈیاں ٹھیکے، قرضے، پر مٹ جو کجھ بلدا بوج
سبھناں انج اسی مال بنایا رنگ لے اپنے ہتھ

جیدے پتے مال لے ایج نکل اوہی عزت شان
توں ایویں اسی آڈا لایا رنگ لے اپنے ہتھ

جس رستے وی لبھدا نجمی اندر سٹ توں مال
تچھے کجھ نہ ہتھ ودھایا رنگ لے اپنے ہتھ



کر رہے آں روشنی دے وِج ملاوٹ
ہو رہی اے زندگی دے وِج ملاوٹ

حال مندا اوس دن دا ہو گیا اے
جد دی آئی منصفی دے وِج ملاوٹ

دل مرے تے کیہ گذر دی پُچھ نہ میتھوں
ویکھ لاں جد سادگی دے وِج ملاوٹ

ہور شے دا دس کراں میں تذکرہ کیہ
ہر غمی تے ہر خوشی دے وِج ملاوٹ

جنہوں ویکھو اوہ ڈرامے کر رہیا اے
رج گئی اے راستی دے وِچ ملاوٹ

الفتاں تے نفرتاں بسھ کھوٹیاں نیں
دُشمنی تے دوستی دے وِچ ملاوٹ

ہیرا پھیری تے مکر دا دور اے اج
بادشاہی ، نوکری دے وِچ ملاوٹ

چہریاں تے رونقائیں نہیں ملدیاں ہن
لوکاں کیتی دلکشی دے وِچ ملاوٹ

اس توں ودھ کبہ ہو رہی نچتی ہوونا اے
کر رہے آں بندگی دے وِچ ملاوٹ



سجناں لائے جیہڑے پھٹ
اوہو گئے نہیں بچہ چٹ

سبھ دے متھے ویکھاں میں
دکھاں دی اک اُلجھی لٹ

چھاں دیون گے کل ایہہ رُکھ
ایہناں نوں نہ بیا کٹ

منزل کیویں لہجے دس
دھوڑ تھیں گئے نہیں رستے اٹ

کیٹری ٹھٹے کچے تے
کیٹرا پیرے دسو پٹ

بلدی نوں بھڑکاندے سمھ
کوئی نہیں ایٹھے کردا گھٹ

سوچاں نہیں تے پھرن گیاں
پشلے سبق نہ توں ہن رٹ

میرے نال، ونی باتاں پا
میرے کول وی بہہ جا بھٹ

جیکر سکھ تون چاہنا ایں
نبھی ایٹھے چپ ای وٹ



سنگت جھوٹ عداوت جھوٹ
بن گیا اج ضرورت جھوٹ

ٹھنڈے ہوں یا گرم مزاج
مومنہ آتے ہر حالت جھوٹ

پیسے لے کے جانڈے جیل
بولن وِج عدالت جھوٹ

ویلا ہویا انج تبدیل
لکے سچ شرافت جھوٹ

نہیاں، کندھاں، کڑیاں توڑ
پوری کھڑی عمارت جھوٹ

لوکی اچ تے چسکا لیں
بول کے بلا ضرورت جھوٹ

کرئیے کیدے تے اتبار
ہر اک سوہنی صورت جھوٹ

ایہدے ہونڈے نہیں جے پیر
ہونڈا اے بے ہمت جھوٹ

کوئی نہیں قول دا پالن ہار
نجمی ہر اک سنگت جھوٹ



رسمیں دی جو کندھ اُساری، میں آں اوہدا وارث
ذاتیں دی جو وِگن ماری، میں آں اوہدا وارث

میں تے اُچّا کر نہیں سکدا بہر اس دُنیا اگے
سرتوں نیویں جو سرداری میں آں اوہدا وارث

دین دا کوئی نہ سبق پڑھایا، دُنیا بھولی پائی
جیہڑی شے وے بے اعتباری میں آں اوہدا وارث

راہواں دے وِج کھلے ہوئے کندے میں پیا چٹکّاں
وڈیاں جیہڑی بازی ماری، میں آں اوہدا وارث

میں مقروض ای جمیا سی تے میں مقروض ای مرنا
 جیہڑی شے وی لئی اُدھاری، میں آں اوہدا وارث

سدھراں، تاننگاں، کوکاں، چبیاں، چنگاں میری جھولی
 بھاویں کوئی لے دکھ دی کھاری میں آں اوہدا وارث

ہر اک نہ ہری سپ نوں میں تے ہس کے ہک نال لاواں
 بانہروں آوے جو بیماری، میں آں اوہدا وارث

جھولی پایاں کتھے سٹاں، سمجھ نہ آوے مینوں
 جیہڑی شے وے کرماں ماری، میں آں اوہدا وارث

عزتاں، شرماں دی ہن مینوں کیہ پرواہ لے نجی
 جس گھر دانیں بولہ باری، میں آں اوہدا وارث



یار دا توں جان لٹا جے مزار
فرزے گی غیر دی نہ احتیاج

ہو گئی اے زندگی وی ہن حرام
پے گئے نیں اس طراں دے کچھ رواج

گھوک ستے جس دے پرے دار ہون
اوس گھر دی کیہ حفاظت کیہ علاج

دھی دھیانی کتھے ویکھن اج تے لوک
پیسہ دھیلانالے ویکھن اُسا دا ج

جد ملے گا ذات داتینوں شعور
فرچہ فیرے دیکھ لئیں گا اپنا راج

ہن تے ایہدی بہتری لئی بہ کے سوچ
بھیڑ کریاں جھیڑا ہووے گا سماں

جیہڑے بندے ہے نیں فاسد خون وانگ
اونہاں داتے لازمی اے ہن خراج

کیوں نہ ہوون دُور عاڈے سائے روگ
ہووے ساڈے ذہناں دا بے انتہا راج

جُحمتی سوہنے دیس دا نہیں اوہو مان
دیس لئی ہو کر رہے نیں کم کان



پیار محبت تک جاوے تے کردی نفرت راج
قدرا! دی بربادی ہووے پلدا حیرت راج

عدل نہ سمجھوں چھڈنا جیکر کرنا بھکھ نوں دور
عدل نہ جتھے قائم ہووے کردی غربت راج

سو بھا کھٹی سارے جگ دی دنیا اُتے اوس
نافذ کیتا جتھے دیس اِچ سبجو عزت راج

سُکَن نیں جے دینی جیہڑی پیار دی وگدی نہر
پیار دلاں وچ وسدا ہووے کردی چاہت راج

اوہنوں رکھدی دُنیا ساری چنگے ناں ناں یاد
جیہڑا ونڈدا پیار دا امرت کردا خدمت راج

سُک جاندے نیں پتھر ساوے پے جاندے کال
اُلفت دی تھاں جیکر دل وچ پائے طاقت راج

جبر دیاں سبھ گھنڈاں کھول کے پھڑٹو آپ مہار
ظالم تائیں ٹکرائے تے کردی ہمت راج

دولت اگے ٹیک نہ متھا اس تے کر نہ مان
چار دیہارے دا بس ہوندا بخمی دولت راج



پیار دی مٹی گوندی نہیں اِج دو سبناں دی سانجھ
راہواں کل کھونڈی نہیں اِج دو یاراں دی سانجھ

اِج تے سبھتے سانجھاں ہو یاں ایسراں ملیا میٹ
نہ ہن سانجھے بوہے کدھرے نہ گلیاں دی سانجھ

اِکو ویڑے کیڈے دوویں اک دودھ تے اک خون
دس دی نہیں پر کسے دوائے دو بھایاں دی سانجھ

اوہ راتاں نہ اوہ ہن تہجھاں مک کئی ہر گل بات
انج گدا اے چانن نال نہیں اِج راتاں دی سانجھ

مینوں اپنے جُتھے وِچ وی منظرِیں آوے بُد
میرے کماں کماراں دے نال نہیں سوچاں دی ساہج

دوجیاں نوں ہن دھکے دے کے پل پل لنگھدے جان
بھان رہیاواں ایدھر اودھر اج سمیاں دی ساہج

ہر اک ساہجہ دارشتہ ہو یا کچھ دھاگے وانگ
ٹٹ دی دیکھی دھیاں نالوں ہن مانواں دی ساہج

پیار دیاں تے سبھے قدراں ہو یاں نہیں پامال
نال ہوس دے ودھدی پٹی اے اج لوکاں دی ساہج

ہن نہیں لوکی ہوندے نجمی دکھاں وِچ شریک
مکدی جاندی ہر و لگن چوں ایہہ صدیاں دی ساہج



ساتھ ویلے دا انج نبھائے سچ
تیر ظلماں نے ہک تے کھائے سچ

جھوٹھے پتھراں توں ڈریا لے
آہلن کس جگہ بناوے سچ

اوہو بندہ اسی میلا پیندا لے
جس نے اندرومی جہات پاوے سچ

روز وچھے نویں تماشے ایہہ
کیڑیاں اک نوں توں دس بجائے سچ

اپنی درداں بھری کہانی ایہ
ساتھینے کس نے ہن سنائے سچ

کل چکدا سی وانگ سورج نے
اج ہنیرے چ مونہہ لکائے سچ

جیویں ٹھنڈی ہوا دا جھونکائے
دل نوں راحت سدا بچائے سچ

جھوٹے ذی ہر جگہ تے چودھڑے
کس طراں اپنی پت بچائے سچ

اس نوں بھاویں چڑھان سولی تے
سہر نہ بچھی کدی جھٹکائے سچ



سَدھی کر لے اپنی سوچ
پیدا کر توں اس وچ پوچ

عملاں والے پانی نال
اپنے دل دی پھٹی پوچ

اصلی روپ جے تکنا ایں
تصویراں توں رنگ کھروچ

دکھاں توں میں صدقے جاں
جنھاں لیا اے آن دبوچ

ویکھ کے جیہڑے رکھدے پتیر
اوہناں نوں نہیں آندی موچ

چل نہیں سکدا دُنیا نال
جیدے کول نہیں کوئی اپروچ

اوہناں ٹیماں جتنا کیہ
جھٹھاں کول نہیں جاہل کوچ

فرق نہ کر دے اج تے لوک
ہو کجھ ویندے لیندے بھوچ

نجمی دُنیا ہے مُردار
گر جاں وانگ نہ اس نوں نوچ



راہواں وِتنِ کیوں رُکِیا چُکھ
کیٹری گلوں اُکِیا چُکھ

بھیتِ دلاں دے کھلے نیں
کِنے سانجھ نوں ٹُکِیا چُکھ

اوہنے کیٹرا کیتا . بھِیڑ
ایسراں کاہنوں ٹُکِیا چُکھ

سُن کے جھانجھ دی چھنکار
سجّی نیڑے ڈُکِیا چُکھ

اوہدی اکھ دا پانی اچ
کیہدی یاد اچ سلیا پیچھ

کس دی منے لگ کے اوں
بھار غماں دا چکیا پیچھ

اوہدے اگے آیا کنج
اوہدے مونہ دا تھکیا پیچھ

لتھ گئی اوہدی ساری پھرک
کاہدے لئی ہن تھکیا پیچھ

اپنی ڈنلی اپنے راگ
سابنجہ دا رشتہ مکیا پیچھ



کدرے دغا فریب تے غرضان دا افتتاح
حرماں تے خواہشاں کتے سدھراں دا افتتاح

اکھیاں چہ سوہنے منظران دا عکس ای پھرے
ایہناں جدوں دا کر لیا رنگاں دا افتتاح

دھرتی نوں بخش دے ذرا سبزے دا توں لباس
پودے نوں توں لا کہ ہے رکھاں دا افتتاح

نالے تے صاحب ہوراں دی تقریر ہو گئی
ایسے بہانے ہو گیا جھگیاں دا افتتاح

گڈے نیں میرے شہر چوں خوشبو دے قافلے
ہو یا اے کدرے باغ چ پھلاں دا افتتاح

لانڈے نیں سمجھ نمائشاں کدرے نیں جو ویاہ
وریاں دا ہووندا کتے دا جاں دا افتتاح

ہونڈی اے مینوں جس گھڑی نکراں دی لونیب
کرناواں اوس ویلے میں درداں دا افتتاح

جاگن گے ایس قوم دے سائے ای ستے بھاگ
ایہنوں کرن تے دے سہی سمجھاں دا افتتاح

نجمی ایہہ افتتاح دی چلی اے کیسی رسم
سڑکاں دا افتتاح کتے گلپاں دا افتتاح



کوئی کم دی گل سنا ناصح
نہ ایویں رولا پا ناصح

پیا پاویں شور شرابا توں
گل ہولی جٹی سمجھا ناصح

چھڈ ایویں کوک مریناں ایں
سٹ مڑلی بیلے آ ناصح

کیوں لے وعظ سنانا ایں
گل مکدی ہن مُکا ناصح

تند سدھی سانویں پا کوئی
نہ ایسراں پھندے لا ناصح

توں بن کے سنگھنا رکھ ایتھے
بس گوڑھی چھناں ورتا ناصح

اس دل دے اندر پا جھپاتاں
کوئی پیار دی جوت جگا ناصح

اک پیار دا دیوا بنالی رکھ
انج چائنن توں ورتا ناصح

ایہہ بے اتبارے لوکی نہیں
نہ سانجھ دی پینگھ چڑھا ناصح



اساں تے کیتا تیرے ولیں پیار وفا دا رُخ
توں وی کرے ساڈے دل ای شوخ ادا دا رُخ

ساڈی کندھ تے آ بیٹھی اے جیٹری پنچے گڈھ
موڑ و اپنی ہمت دے نال اوس بلا دا رُخ

شہ زوری تے اپنی بھاویں کتنا مان کرے
ڈھیہ جاندا ہر زورا ورا می ویکھ قضا دا رُخ

اپنا سوچ سفینہ ویکھو ہر بندہ ای اج
ٹوری جاوے اوسے پاسے جدھر وا دا رُخ

اپنے میجل بچاؤن دے لئی کچیاں سُکیاں ول
کردیندے نیں وڈے سائیں ہر دیر دا رُخ

چھیتی چھیتی سانجھ لے اپنے گھر دیاں تیلاں سبھ
تیرے ول ای ہو یا لگدا اج گھٹا دا رُخ

میری اکھ وچ حیرت نجدی ایس لئی لے سُن
ہو گیا باغ توں پر لے پلے اج صبا دا رُخ

نکیاں نکیاں بالاں نوں دھرتی تے لڑوا کے
کردے پئے نیں وڈے ویکھو آپ خلا دا رُخ

نیتوں ہو کے منگ لے نجمی سبھ کچھ دیندا رب
آہن اوہدے ولین کرئیے نیک دُعا دا رُخ



کوڑا چیک پیک دُنیا والا عمر گزاری مُرشد
میتھوں ننیں ہُن چکی جاندی پنڈ اے بھاری مُرشد

شہد بھڑیتے ہوٹھ ترے کیوں نال کڑتن بھر گئے
لال ہنیری چڑھ آئی کیوں میری واری مُرشد

جیون کالی رات دے وانگوں جگنو میں چمکاواں
دل اکھیاں دے دیونے بال کے رات میں ساری مُرشد

خود غرضی دی بھیڑ چوں گڈھ کے نگھ خلوص دا دے دے
مینوں ہُن سکھا دے لانی پیار اڈاری مُرشد

جیدے علم حساباں توں نیں کدے دُور دُرّے
اودھے بالے کیہ کیہ سوچے، سوچ وچاری مُرشد

آس دی کوئی میٹ نہ لگی بھیراوی نیں چھٹیا
میں دکھاں دی چادر اُن کے بکّل ماری مُرشد

ہُن بوسے دیاں چتھیاں چوں نیں والنگھ کے تراندی
راس نیں آئی مینوں تے ایہہ میجل اُساری مُرشد

میں چاہت دی شکر وڈا اٹھا بہندا ایتھے
میرباں بولاں دے وچ کر دے پیار توں جاری مُرشد

”میں“ دے جنگل اندر پھر دا وانگ جنوراں نجمی
ہُن تے رکھ دے ایہدے سرتے عجز دی کھاری مُرشد



اساں تے انج منائی عید
اتھراں وچ لکائی عید

وچھڑے سجن آئے یاد
زخماں تھیں مہکائی عید

قرضے دا میں چکيا بھار
جدوی جھاتی پائی عید

جیویں ہووے گرم دوپہر
ساڈے لئی انج آئی عید

چھڑ دی نہیں ایہہ ایویں جان
منگدی مکھ وکھائی عید

ساڈی عید دا کیہ بچھنا ایں
سوں کے اساں لنگھائی عید

دون سوائیاں خوشیاں ہون
پردیساں وچ آئی عید

جھٹھے وی ول بیٹھے یار
خوشیاں نال سجائی عید

جنھاں پتے نجمی مال
اونہاں اصل ہنڈائی عید



رہن دے میرے آسے پاسے رتجھاں والی کندھ
ایہدے اُتے چکنی اے میں سوچاں والی کندھ

تِلے مار کے دُکھ پئے آون جتھے جاواں بیٹھ
کنج اُساں دُکھ دی رتے چانواں والی کندھ

سچائی دے پھلاں نال ہُن بھریئے چار چغیر
اس خوشبو نوں ڈک نیں سکدی پتھراں والی کندھ

جھوٹھ سہارے لیندے خوئے ایسے لئی نیں لوک
سچ بولن تے ڈھیہ جاندی اے اُساں والی کندھ

اوہنوں اوکھی بھاری دادس کیہ ہووے گا خوف
اکھیاں کھلریاں جنتھے ویکھی دکھاں والی کندھ

اس دُنیا دے باغ اچ لائیے سانجھ و فائے رُکھ
اوس دے آل دوالے چھکیے عزتاں والی کندھ

آؤ دل کے جشَن منائیے ، آئی رُت بہار
پیار دی نیہہ تے رکھیے سائے شگناں والی کندھ

انج وی کر دے لوکی گلاں اپنے پیاریاں نال
اپنے سانویں اک اُسار کے یاداں والی کندھ

بنجھی اپنی ہمت دے نال اوہنوں دے توں ڈھا
تیری راہ وِچ آوے جیہڑی رسماں والی کندھ



پہنڈی جاوے ایسے کر کے وچ دلاں دے گھنڈ
پیسے دے پٹی زور تے ہونڈی اج ساکاں دی ونڈ

بھرے ہنگارا سچ دی گل تے دستو ایتھے کون
بھوٹھ نوں سچ بنا لیندے نیں لوکی پا کے ڈنڈ

جان گیا واں بل کے تینوں تیرے دوویں روپ
وچوں زہر کڑن ایں توں اُتوں اُتوں کھنڈ

بھیت بے دل دا دیویں کاتے ہوویں گا کمزور
جس دے اُتے مان کریں گا اوہ دیوے گا بھنڈ

میری سمجھ دے موجب میرا جس دینا سی ساتھ
بھیڑ پٹی تے میرے 'وٹوں اوس نہیں کیتی کند'

اوبدے پیر نہ ڈولن اوہ تے جُتے سہر میدان
غم دے پہاڑ اٹھائے جنھوں دُنیا دِتا چند

جے توں اپنے وچوں کرنا "میں" دا مننا دُور
چھج عجز دا لے کے اپنے عملاں تاہیں چھنڈ

دُکھاں دا اک دھونئیں کھادا توں چلیا ایں چھج
گل پائے اس لیڑے وانگوں تھوڑی دیر تے ہنڈ

مال جوانی، طاقت اُتے 'لوکی کر دے مان
آفے موت تے ٹُٹ جان دے نہیں سائے ناز گھنڈ



سجناں پیار بھلیکھا کڈھ
میل ملاپ دا رستہ کڈھ

یار دا جیکر ہونا ایں
پہلاں غیر دا پھندا کڈھ

یاد نگر وچ آوے کیوں
جھنھوں دل چوں دتا کڈھ

آگئی مڑ کے رت بہار
کھول چہ باری بوہا کڈھ

بیماراں دا تپکھ لے حال
دل چوں سارا غصّہ کڈھ

موسم ہو یا ٹھنڈا ٹھار
مے خانے دل پھیرا کڈھ

دوجیاں دے نہ عیب پھر دل
ویکھ لے چہرہ شیشہ کڈھ

مونہوں چاہت والے بول
دل چوں پیار دا شعلہ کڈھ

جیہڑا بوہتا کردا تنگ
بجھی اُس دا کنڈا کڈھ



کئے بہکتے کھولن کاغذ
بندہ بندہ ٹولن کاغذ

ناکامی دیاں مہراں توڑن
جیتھے جا کے بولن کاغذ

اکناں کول نہ چج دی روٹی
دوبے ویکھو رولن کاغذ

ایہناں دی تے ہوس نہ سکے
اپنی وس پئے گھولن کاغذ

انج دے وی کچھ لوک نیں جیہڑے
پیراں ہیٹھ مدھولن کاغذ

بسجھ نال مین تے سانجھ مکائی
بن گئے میرے ڈھولن کاغذ

جد تقدیر دا وار ہووے تے
اُس ویلے فرڈولن کاغذ

سوڈے ہون ضمیران دے جد
ہر بندے نوں تولن کاغذ

ہوس نہ ہووے پوری بختی
لکھ پئے لوک پھولن کاغذ



چڑھدے ہوئے طوفاناں اگے کچے بنھ نہ مار
آکھ رہیا اے ویلا تینوں اپنی لے توں سار

عزم ارادے اُپتے رکھتے پھڑویے دی واگ
نیتوں جیہڑے ڈولے اوہناں منتی اپنی ہار

آس نہ توڑیں تیری ساری مک جاوے گی تھوڑ
دل نوں ایہہ سمجھاویں اپنا چکنا آپے بھار

مالوسی دا صحرا دیوے ہمت تائیں مات
ایہنوں اپنی طاقت دے نال کر لئیں سبھناں پار

جے تقدیر بنانی اے تے کر کوئی تدبیر
مرداں اگے ہوندا دستو کیٹرا کم دشوار

رات دی لکھنوں چانن پھٹے جاگن گے ہن بھاگ
محنت دا چمکا توں سورج محنت وچ کیہ عار

کیہ ہو یا جے دھرتی اُتے آگئے نیں سیلاب
ایہناں دے توں پچھے پچھے سُکھ دے میحل اُسار

دو جیاں دے توں دکھاں دے نال پالے اپنی سانجھ
ایہناں وچ کٹا توں اپنی چاہت اپنا پیار

حرص ہوس دی اگ دا ہوندا ڈاڈا بھیرا سیک
اس نوں بخمتی بسکین لئی نہ اپنا آپ کھلار



مک گئی گرمی جذبیاں وچوں رشتیاں چوں اشیاء
اُلفت جھوٹھی نفرت جھوٹھی جھوٹھے سبھ کردار

میرے دل دی حالت پہلاں انج کدوں سی ہوئی
سکھ بھاوے نہ دکھ ستاے تو تو نہ تکرار

سمجھ نہ آوے اذن رہائی ہووے کدوں نصیب
دل ایہہ چاہوے ہو جاوے ہن ایتھوں جان فرار

مینوں آکے کوئی سمجھا دے سدھی پدھری راہ
ویکھ رہیا واں خواب کدوں دا ہوواں میں بیدار

کاہدے لئی دس چھاواں دی توں کرنا ایس نت منگ
دھتیاں وی جر پنڈے تے کیہ چھاواں دا اتبار

اج توں مینوں اُس رستے تے کلیاں دتا ٹور
جس رستے وِج تیریاں یاداں مینوں لین کھلار

اپنے سرتے سہندا سارے جھکھڑ، جھانجے، مینہ
سُکھ ورتاندا لوکاں دے وِج رُکھ ایہہ سایہ دار

ایہہ دُنیا اک منڈی ایچھے سبھ دے سوڈے ہون
ہر بندے دا اُمل پیندا اے آکے ایس بازار

تیریاں یاداں جگمگ جگمگ نجمی جگنوواں وانگ
تینوں دل چوں کدھنا ہو یا ساڈے لئی دشوار



دل دے سستے تار ہلا گئی سوہنی جی تصویر
پیار دا آکے مان ودھا گئی سوہنی جی تصویر

میں کدی وی پیتا نہیں سی ایس طراں دا جام
چانن گھول کے اج پیا گئی سوہنی جی تصویر

پھل چھتے میں رنگ برنگے اس تھیں پا کے پیار
نال بہاراں لے کے آ گئی سوہنی جی تصویر

جد اوہ میرے سامنے آئی ودھ گئے میرے چا
حسن دا مینوں نشہ چڑھا گئی سوہنی جی تصویر

انج گدا جیویں گلاں اوہیاں وچ سی نہر تا شہد
اپنیاں گلاں تھیں پر چا گئی سوہنی جٹی تصویر

اڈنی سپنی ورگی لگی مینوں اُس دی چال
میرے دل تے ڈنگ چلا گئی سوہنی جٹی تصویر

کدے اوہ صبح سویرا بن گئی کدے اوہ چائن رات
میتھوں اپنا بھیت لکا گئی سوہنی جٹی تصویر

میریاں نظراں تھیں ٹکرائی اوہے روپ دی لہر
پل مہینے سال بھلا گئی سوہنی جٹی تصویر

دل کھنڈر وچ آ کے اوہنے کیتی رت تبدیل
اپنے پیار دی جوت جگا گئی سوہنی جٹی تصویر



کم کردا میں ملدا مینوں چج دا جیکر
خوش رہندا میں بن دا ریڈرنج دا جیکر

اپنے دل نوں قابو رکھدا پیڑ میں جردا
تیر ظلم دا سانویں ہک فوج وچ دا جیکر

کر لیندا میں کچھ تدبیر ای انج نہ ڈگدا
آ تقدیر دا بدل پہلاں گج دا جیکر

میرا حال نہ ہوندا ایسراں کدے وی مندا
میرے لئی اوہ یار پیارا سچ دا جیکر

لوکاں ساہمنے توں کدی نہ ننگا ہوندا
بھیت لکاندا اپنے آپ نوں کج دا جیکر

تیرے دل دی بے چینی فرائج نہ ودھدی
اج مکاندا سارا کم توں اج دا جیکر

ایہہ دُنیا فرورد پکاندی ہر دم تیرا
ہجر دا بالن بال کے اس نوں تَج دا جیکر

دوجیاں دے توں مالی تے فیر نہ منطراں رکھدا
جو کچھ ملیا اوہدے نال ای رَج دا جیکر

رائج نہ ونھیا جاندا تیرا پنڈا بجھی
پہرے دار توں ہوندا اپنی لَج دا جیکر



پہنی اوں تے آپ نہ چوڑ
نہیں تے جام صراحی توڑ

خواہشاں والے ہڑھ نوں روک
کیہڑی گل دی ایہتھے تھوڑ

دل دے مٹے شیشے جان
پیار محبت دے نال جوڑ

محرومی اے کالی ڈین
ودھ کے اس دی دھون مروڑ

دُنیا دے وچ رہ کے یار
اک دُوبے دی پیندی توڑ

دھرتی سانجھی جاندی نہیں
لے آئے نیں چن توں روڑ

ٹٹ چلیا اے تیرا ساہ
انج نہ دُنیا رچھتے دوڑ

ایہ دردیلی تیری سوچ
دس چاہندی اے کیڑا موڑ

بجھی پوچ نہ صورت توں
کبر، انا، داسیشہ توڑ



ویکھے اساں او تے ہڑھ
 حرص ہوس لے چلے ہڑھ

چھالاں مارن نستے آن
 کردے بتے بتے ہڑھ

ہر شے نوں ای دیندے روہڑ
 مارن جد ایہ پھٹلے ہڑھ

جاوون دا نہیں لیندے ناں
 بہہ گئے مار پھٹلے ہڑھ

دُکھ لیا ئے اپنے نال
آئے نہیں ایہ کلتے ہرٹھ

ایہناں تھیں نہیں بچدی جان
پے گئے ساڈے پے ہرٹھ

اُتوں ہو گئی رحمت دُور
وگدے پئے نہیں تھتے ہرٹھ

اساں ایہ آپ سہیڑے نیں
ایہ نہیں کسے نین گھتے ہرٹھ

ہمبلی مار کے گل نوں پین
بُجھی ہو گئے جھتے ہرٹھ



کچھ دکھاوا کچھ بھلاوا کچھ ضرورت دی نماز
وچ نشوع نہ وچ خضوع اے ایہے عادت دی نماز

حاجتاں سمجھ پوزیاں تے پسیاں دے نال ہون
اج کسے نوں ویکھیا نیں پڑھدے حاجت دی نماز

آؤ دھوئیے اپنے دل توں نفرتاں دے سائے داغ
رل کے سائے کیوں نہ پڑھیے اک محبت دی نماز

اج وی ساڈے واسطے اوہ پیروی دی ہے مثال
نیزیاں دے ہیٹھ نیتی جو صداقت دی نماز

دین دُنیا تیرے دوویں اِس تھیں ہوون باوقار
دے گواہی لوکاں تائیں تیری عصمت دی نماز

اکھ نوں ٹھنڈک رُوح نوں آسودگی تے دل نوں چین
تدِ ملے گا جے پڑھیں گاتوں وی چاہت دی نماز

ایہ وے تحفہ سوہنے رب دا ایہ وے بخشش دی سبیل
ایس تھیں معراجِ ملدی ایہ وے برکت دی نماز

اوبدے درتے جد وی جھکنا سمجھنا اوہ ویکھدا
دے گواہی اُس دی طاقت تے جلالت دی نماز

جس دیہاڑے کوئی نجمی چلے گا نہ تیرے ساتھ
اوس مشکل دا سہارا ہے شفاعت دی نماز



پاؤں وچ حیرانی راز
کھول دے دلبر جانی راز

ہر منظر اے سبیا رنج
لگے رات سہانی راز

گھنجل گھنجل ہوئے نہیں
سارے امی سلطانی راز

یاد کسے دی ویکھن نوں
سمجھن وچ قربانی راز

دل دے سودے دل دے نال
منگے پیار کہانی راز

ڈھبہ ڈھیری تے جا کے ویکھ
دس دی پی ویرانی راز

غرضیں دی اس بھیڑاچ پار
تیری اے مہانی راز

گھبّا رہندا میرے نال
کہندا نہیں جے ہانی راز

عقلاں وِج کنج بنجی آن
دُنیا دے اسمانی راز



لبھ جانڈے جد سا بچھ سہاے ودھدی آس
دس پینڈے جد سبجن پیاے ودھدی آس

ڈکو ڈولے کھانڈی بیڑی اچن چیت
وینڈی اے جد کول کنائے ودھدی آس

پیار دے رکھ تے آجانڈی اے رت بہار
ہوون جد معصوم اشارے ودھدی آس

نیویں پا کے سُن دا رہندا میری بات
ویکھ کے اوہدے ایہ ورتاے ودھدی آس

خورے کتھے ٹر گئی اوہدی ساری کوڑ
میٹھے ہو جان کھوہ جے کھائے ودھدی آس

سُکھ دیندی اے اوہی سے فر دُکھ دی چُپ
دردی بن جان بے اتبارے ودھدی آس

جد وی ملدے پرچاندے نیں بہانے نال
لانڈے نت نویں جد لائے ودھدی آس

گلاں کر کے اُس نے دتی مشری گھول
چانواں دے جد روپ نکھائے ودھدی آس

نجمی نوں تے جچدا اُس دا ہر اک روپ
اوہدی اکھ اچ چمکن تالے ودھدی آس



سچ بچھوتے اوہناں نوں اے دھپیاں دا احساس
بہترے لوکی کر دے ایستھے رُکھاں دا احساس

جس دا دل اے پتھر ورگا جس دی سخت طبیعت
اوہنوں کچھ نہیں کومل گومل بالاں دا احساس

سُکھ دی سیج تے سوندے بہندے جہڑے نیں دن رات
ہو سکدا اے اوہناں نوں کنج دُکھاں دا احساس

توڑ نبھاندے وعدے اوہو جان تے جان دے کھیڈ
غیرت مند نیں جنھاں نوں اے قسماں دا احساس

تیری کرسی بچ گئی اے تے سمجھ کجھ اے فرٹھیک
تینوں کجھ نئیں ضائع ہو یاں جاناں دا احساس

اوہو دارو لبھدا اپنی حالت بدلن لئی
اپنے حال دا جانو جنھوں روگاں دا احساس

کنج اگاوے دھرتی اُتے اوہ دس پیار گلاب
بجیڑے سینے اندر نئیں جے پھلاں دا احساس

کیویں چاہندا اوہ بھلا ہن لوکاں کولوں خیر
جنھے کدے وی کیتا نئیں اے دوجیاں دا احساس

اپنی چودھر دے وِجِ نچھتی جیہڑا اے مدہوش
اوہنوں کسراں ہوئے میرے نکراں دا احساس



نال خوشبو دے سی بھری بارش
دل دے کھیتاں تے جو وری بارش

لوک گرمی توں تنگ آئے سن
آگئی بن کے جل پری بارش

تھلے آندی اے پھل جڑی بن کے
اج وکھاندى اے دلبری بارش

کچھ نہ پہچھو پئی کس طراں یارو
کچھ کوٹھے نے ایہ جری بارش

نیشک دھرتی نوں چین آوے گا
لے کے آئی اے بہتری بارش

غم دی دھندل وی بیٹھی نیں سی
آس تے وستی اے لشکری بارش

روپ آفت دا دھار دی جاوے
لے کے آئی اے اتری بارش

ہڑھ لے نانوین قصور لا دتا
ہو گئی آپ سکنج بری بارش

سوتج دریا تے ورھدی وکھی اے
میں تے بچمتی ڈرنی ڈری بارش



آس مہری دا دیوا بجھیا اڈ گئے میرے ہوش
میتھوں میرا سجن رسیا اڈ گئے میرے ہوش

چسکا لے لے ہوراں دے تے کدھاسی میں عیب
آپ جدوں میں شیشہ تکیا اڈ گئے میرے ہوش

جتنھوں سچ تے پرے دیندیاں ہر دم ویندا ساں
اوہنے جھوٹے دا منتر پڑھیا اڈ گئے میرے ہوش

اپنے وتوں میں تے اوہنوں پھاہیا اپنے جال
جال سنے ای جد اوہ اڈیا اڈ گئے میرے ہوش

مکاری عیاری کیتی جتنے سبھ دے نال
اوہا ای جد سکہ چلیا اڈ گئے میرے ہوش

دو جیاں دے گھر غربت دے دکھ ویندا ساں دن رات
جد ایہناں نیں مینوں چٹیا اڈ گئے میرے ہوش

ہولی ہولی جسم چہ لتھ کے اکلا پے دا نہر
رگ رگ میری وچ جد گدیا اڈ گئے میرے ہوش

بیہڑا کل تک نال سی میرے رہندا سبناں وانگ
پھیر کے مونہہ جد کولوں لنگھیا اڈ گئے میرے ہوش

جنھیں آکے کہنا سی پئی نجمی اے بے دوش
سبق سنایا اوہناں رٹیا اڈ گئے میرے ہوش



ساڈے رنگ تے ایہ تصویراں سبھے ناقص
ساڈے حرف تے ایہ تحریراں سبھے ناقص

عزتاں، شانناں دے لائق بس توں اے ربا
ساڈیاں ہوون لکھ توقیراں سبھے ناقص

اکو دیوا بال کے کیتا اس جگ نوں توں روشن
اساں جو کیتیاں نہیں تنویراں سبھے ناقص

ساہواں دی زنجیر جدوں توں توڑ دوں تے
لکھ چہ پائے فرزنجیراں سبھے ناقص

تندرستی جی نعمت ای بس کھوہ لیں جے توں
ہوون کنیاں کول جاگیراں سبجے ناقص

تیری پکڑ چوں بچ جائیے تے سبجے خیراں
دُنیا لاوے جو تقریراں سبجے ناقص

”گن“ کہہ کے توں دُنیا ساری پیدا کیتی
کرنیے اچیاں لکھ تعمیراں سبجے ناقص

تیری اک اک گل وِج لکھاں گلاں لکیاں
ساڈیاں جنھیاں نہیں تقریراں سبجے ناقص

تیری جے تقدیر دا مولا وار ہووے تے
دُنیا کر لے سو تدبیراں سبجے ناقص



نقشِ چاہت دے ہر تھاں اُبھائے خلوص
پیار اپنے توں صدقے اُتارے خلوص

ایہہ روے یار تے ہر گھڑی مہربان
بیچ کے جاندا ایہہ اوہرے دوائے خلوص

دُور کردا اے مشکل دی ہر اک چٹان
بیٹری عزماں دی لاوے کناں خلوص

میٹ کے اکھ کریں اہں تے توں اعتبار
اپنے سبناں نوں لاندائیں لائے خلوص

ہر خوشی دی ایسہ بن دامنات ہمیش
لیکھ بھیڑے وی ہوں سنو اے خلوص

اس نوں اپنا بنا کنے میں رکھیا اے کول
میرے آیا اے جد دا دواے خلوص

دھرتی اپنی سبانی جے جنت دے وانگ
اپنا اپنا دکھائیے چہ سارے خلوص

کھوٹ توں پاک جے اس دا سچا و ہار
جھوٹ سچ نوں ہمیشہ نثارے خلوص

سر گھڑی اس نوں رکھیں توں بھٹی عزیز
منجھ جتاں دے سارے اُسارے خلوص



پھل پھل شاخاں سبھ مقروض
تاہنگاں سدھراں سبھ مقروض

اک اک دا کیہ لینا ناں
ساڈیاں نسلان سبھ مقروض

میچلاں والے بچدے نہیں
ہویاں جھگیاں سبھ مقروض

اپنا آپ سنوارن کنج
میریاں سوچاں سبھ مقروض

ہس ہس کے پئے چکدے نیں
دُکھ دیاں پنڈاں سبھ مقروض

کر دیوں گے اوڑک نوں
نیویاں دھوناں سبھ مقروض

ہسا ہس کھسیانا جیہا
لاندے ٹھگیاں سبھ مقروض

بتے بازی دیندے نیں
چکدے قسماں سبھ مقروض

انکھ ، انا اے دیندے وتچ
ٹپ بے خداں سبھ مقروض



اليسراں سجنال ونڈيا فيض
جسراں راتاں ونڈيا فيض

سوہنے سوہنے بدلے روپ
حسن دا راتاں ونڈيا فيض

دھرتی دے چمکائے ليکھ
وس کے بدلاں ونڈيا فيض

شکر دوپہرے دے کے چھاں
سوہنے رُکھتاں ونڈيا فيض

فصلاں ہویاں سونے رنگ
جد وی دھپیاں ونڈیا فیض

خوشبو دتی اپنی گھول
تھاں تھاں پھلاں ونڈیا فیض

چانن کیتا محنت نال
اڈمی لوکاں ونڈیا فیض

دل دی بکلی دتی ساڑ
دیاں چنگاں ونڈیا فیض

فرای بدلے گی تقدیر
جے کر سوچاں ونڈیا فیض



پہلاں ایتھے ایناں نئیں سی غم خواراں دا قحط
ہن تے دسدا ہر پلے ای دلداراں دا قحط

جد دا ہتھ تے ہتھ چہ مار کے لٹن لگ پئے لوک
پے گیا ٹھگی لاون والے مکھاراں دا قحط

کیدے تے بھرواسہ کرئیے شکلاں دھوکھے دین
اج کل پیار دی منڈی وچ اے اتباراں دا قحط

نفرت والا کھر ودھیا سکے پیار دے کھیت
مک گئیاں نہیں سانجھاں ودھیا انج یاراں دا قحط

کنڈھ پچھتوں دی آکے ہُن تے حملے کر دے لوک
خوے کیٹری گلوں ہو یا جی داراں دا قحط

پہلاں وانگوں ڈالی ڈالی پھل مسکاندے نشیں
گلشن گلشن دِسا مینوں مہکاراں دا قحط

ڈاکٹر ایسراں ویلے پھر دے مینوں منطری آن
جیویں میرے شہر دے وِج اے بیماراں دا قحط

ایسے لئی چمکاندے جھوٹے عامل کاروبار
ایتھے کدی وی پے نشیں سکدا گنواراں دا قحط

مے خانے وی نجمیٰ اج کل ہوئے نیں وِراں
انج گدا اے پے گیا ایتھے مے خواراں دا قحط



دِل دے روگ مٹاوے خط
رُسے یار مناوے خط

دے کے سُکھ سنیہڑے ایہ
غم دی دھوڑ بھٹاوے خط

پیار دی خوشبو تھاں تھاں تے
جا جا کے پھیلاوے خط

چُپ چپتیا ضامن ایہ
اُجڑے شہر وساوے خط

کسے نوں مچلتی پاندا لے
کسے نوں لالے لالے خط

دستک دیندا ہولی جی
بند بوہے کھلواوے خط

بہراک رتے ٹردا ایہ
کدے وی نہ اکتاے خط

کدرے میل کراندا جے
کدرے دوری پاوے خط

ونڈے دکھ سکھ لوکاں وچ
آپ ایہ دھکے کھاوے خط



سبھ تیجھوں گئے اکتا واعظ
نہ جھوٹیاں لشکاں پا واعظ

توں ٹیڈے مسئلے دس دس کے
نہ ساڈے روگ ودھا واعظ

اسیں سادھ مرادے بندے آں
نہ سانوں توں آزما واعظ

توں پردے اُتے پا پردہ
نہ کھول کے بھیہ وکھا واعظ

ہن ہتھ سلوک دی دے ڈوری
نہ نفرت توں ورتا واعظ

کیوں پھوکاں ماریں قہر دیاں
نہ بلدی توں بھڑکا واعظ

دے درس محبت والا توں
نہ ساڈا دل زخما واعظ

توں زندہ رکھنا پچانن نوں
نہ نھیرے نوں وڈیا واعظ

توں لوکاں دا مونہ رکھن لئی
نہ جھوٹے سانگ رچا واعظ



ضمیراں دے کرن سوئے خطا باں دا خدا حافظ
بنے جاہل سیانے اج کتاباں دا خدا حافظ

چھیرے قہر دے بدل مچاندے شور آ آ کے
جدوں نینداں ای اڈجاون تے خواباں دا خدا حافظ

جے پھکے پے گئی زنگت توں دس افسوس کاہلے
حفاظت چھڈ دوے مالی، گلاباں دا خدا حافظ

بھرم اپنے بنا رکھے خطیباں نے، جے سچ پیچھو
تے فکروں ذہن خالی نیں، خطا باں دا خدا حافظ

میں تیور ویکھ کے اکھاں ہنیری لال چڑھدی دے
رہی حالت جے ایسراں ای نواباں دا خدا حافظ

کریں نہ پاک غرضاں توں پڑھیں توں بس وکھادے دی
عمل تیرے رہے جے انج نواباں دا خدا حافظ

کرے پہرہ کیہ او تھے دس کہ مالی آپ لڈے نیں
فتور آوے جے نیتاں وِتج حساباں دا خدا حافظ

بڑا مونہہ زور گھوڑا اے جنھوں بکھ نفس آندے نیں
جے اسدی واگ نہ بھٹمی رکاباں دا خدا حافظ

اے تے ڈُلھے بیراں دا نہ کچھ وی وگڑیا بجی
رہی ٹل مٹھ جے اسراں ای نواباں دا خدا حافظ



لوکی بھدے کھہن داموقع
گل دوجے دے پین داموقع

نویاں پیڑاں نیں سرچکے
ہن سیں کلیاں رہن داموقع

مکتن اپنے دُکھ تے بھیسے
دوجیاں دے دُکھ سہن داموقع

خورے کسراں نکلے گا ہن
کول اوہدے بھٹ ہن داموقع

پکے پیر جا کے رکھیں
ایہ نیں ویکھ ترہن دا موقع

افراق فری دے دور اندر
لبھدے پھرئیے چین دا موقع

لوکی ہتھوں جان نیں دیندے
جد ملدا لٹ لین دا موقع

رُت خزاں پی پینڈا چھنڈ دی
ایہ نیں ڈگن دھن دا موقع

بجھی نوں وی ملیا اے اج
کھریان کھریاں کہن دا موقع



اوہ مہکاندے دُنیا اندر روشنیاں دے باغ
دل دھرتی تے جیہڑے لاندے سچائیاں دے باغ

میرے دل دے جذبے لڑے میریاں سوچاں ناں
بہہ جاناواں جد میں آ کے تنہائیاں دے باغ

تیری صورت میرے سامنے آن کے نجدی یار
اکھیاں میچ کے جدوں سجاواں پرچھایاں دے باغ

اپنے ویڑے پھل مہکن دی میں وی رکھدا تاہنگ
ویکھ کے کھڑدے چار چغیرے ہمسایاں دے باغ

داناواں تُوں بھُلتی پاوے جیکر چاہوے اوہ
کرم کرے تے کرے ساوے سودایاں دے باغ

اپنا بھرم گنواویں نہ تُوں مست رہیں ہر حال
آنکھن وی تے تُوں نہ جاویں ہر جاؤیاں دے باغ

دھرتی نوں رُشنا یا جتھاں اپنے فن دے نال
ادھناں لائے چار چغیرے رعنا یاں دے باغ

اُلفت والی لبہ تے جیہڑے چمکدے پیار دی کندھ
اوہ نیں اُجڑن دیندے سمجھ سجنایاں دے باغ



ایہہ ہو یا کیہ اے اُجاڑ راہواں ، لٹیرے فارغ
اُچکے سارے پئے نسدے پھر دے تے ڈیرے فارغ

نہ یار رستے ، نہ دل ای ٹُٹے ، نہ شام ہوئی
ایہہ کس وجہ توں نہیں کاتواں کولوں بنیرے فارغ

نہ سپ کیلن نہ بین پھر کے ایہہ جان جنگل
میں پھر دے دیکھے نہیں شہراں اندر سپیرے فارغ

خراب موسم ، غدا ب آفت ، اُداس ساحل
ہے ایس کر کے ای دسدے سارے چھیرے فارغ

پیاسیاست مے وچ وی مندا ، نہ ہلا گلا
بیان بازی نہ لن ترانی وڈیرے فارغ

خزاں دی رت لے تے تے ائی کھنڈی ہے مکھ تے زردی
گلاب موسم نہ آئے جد تک ، پھلیرے فارغ

توں چین پاو نی ، توں موچاں مانیں ، توں گھرنوں جاویں
مکاویں کم بے تے ہوویں فر توں سویرے فارغ

نہ جد تھیں چانن میں ویڑے واڑاں سمجھ لوو کے
ایہ دور بیٹھے نہ ہن گے انج ائی ہنیرے فارغ

نہ زہر کھاوون دی لوکاں نوں لے اگرچہ فرصت
بے کھوج لائیے ملن گے بختی بختیرے فارغ



ہوندے جرم نہیں چوکھے نالے رُل جاوے انصاف
دولت والی تنکڑی وِچ جے تُل جاوے انصاف

کمرے دے وِچ ڈکيا خورے کد تک رہنا ایس
میں چاہنا واں کسے طراں ہن کھل جاوے انصاف

محرومی دی اگ بجھاوَن جاوے سبھ دے کول
پیشلے ورقے جیہڑے مندے تھل جاوے انصاف

جھوٹے پتر ڈگن سارے نکھرے ہن ایہہ باغ
جھکھڑ وانگوں چارے پاسے جھل جاوے انصاف

سبھ نوں تولے اگو تکرپی، ویکھے اک اکھ نال
اپنا کون پرایا کیڑا، بھل جاوے انصاف

میٹھے ہوون سارے پھل ہُن مہکے میرا دیس
چانن بن کے وِج فضا دے، گھل جاوے انصاف

اوتھے مارے حق داراں دا ہووے بھیڑا حال
جیتھے زر دیاں چمکاں ویکھ کے ڈھل جاوے انصاف

اُس بستی وِج دس تعین کیوں نہ جاوے پھیل
مرداراں دے وانگوں جیتھے پھل جاوے انصاف

اوتھے جین دا کیہ جج اے نجی جیڑے شہر
منصف جیڑا اوہو کرنا بھل جاوے انصاف



قوماں نسلاں تے زبانوں زنگتاں دا اختلاف
چل رہیا اے ہر جگہ اسی صورتاں دا اختلاف

مردے جانڈے جھوٹے رسماں تے رواجوں پچھے لوک
مک نہ سکیا ایہناں وچوں مدتاں دا اختلاف

کنج نبھے توں آپ دس کھاں اوہدی ساڈی پیارناں
اوہدیاں تے ساڈیاں اے عادتیاں دا اختلاف

اُس دا طاقت تے بھروسہ میرا جذبے تے ایمان
ایسے لئی تے ساڈے وچ اے چاہتاں دا اختلاف

اوہ وے خوشیاں دا وپاری میری خوشیاں وِج اے جان
میرے اوہدے درمیان اے حرمتاں دا اختلاف

کہہ سبب اے دشمنی دا بس اناواں وے شکار
کھل کے سانویں آگیا اے بستیاں دا اختلاف

اوہ نظر تھیں ویکھداتے میں آں کردا دل تھیں بھال
اگو منزل دونہاں دی پر رستیاں دا اختلاف

مالکاں تے نوکراں دے جھگڑے جھیڑے اک بھپال
لے کے آندا ہر گھڑی بس اُجرتاں دا اختلاف

اگو شے وے اک ڈیزائن اگو رنگ اے اک بازار
سبھ دوکاناں نال نہیں پر قیمتاں دا اختلاف



عشق نوں ویکھو ڈنگدا عاشق
اپنے آپ نوں رنگدا عاشق

شہرت منگے نہ ایہ عزت
بھکھا دولت منگدا عاشق

اج تے کوئی نیں پیار ستارا
اپنی ہک تے منگدا عاشق

ویکھن دیدے پاڑ کے سارے
نہ پازیب نہ ونگ دا عاشق

اپنی ولگن نوں سبھ پوجن
نہ گجرات نہ جھنگ دا عاشق

موٹر کار دے اُتے بیٹھا
گڑیاں ویجھ کے کھنگدا عاشق

سوٹے دا کوئی گھوٹے دا اے
سگرٹ دا کوئی جھنگ دا عاشق

دولت اُتے مردا جاوے
اپنے کوہج تے لنگ دا عاشق

ایم روز بناون والا
زربادی تے جنگ دا عاشق



انج خدا آپ نوں کرے لائق
لوک آکھن تسیں بڑے لائق

کم نہ آون پر آکھدے ویکھے
کوئی خدمت ہے دس مرے لائق

لوک بن دے نیں انج میاں مسمو
جتنھے جاہل سی سمجھ بنے لائق

باپ کہندا ترا ویاہ کرنا
پر تو ہوتے سہی کسے لائق

ہن تے ویلے نوں دھکے دینے آں
ہو وندے سی اسیں کدے لائق

گل سلیتے دے نال کر دے نہیں
وانگ جاہل نہ بولدے لائق

گھر دے جٹیاں نے بس پھسا دیتا
میں بھلا سی کدوں ترے لائق

تھوڑا بہتا ہے گھیٹر چلدا اے
لوک ہینگے نہیں کچھ اہے لائق

وہج غریبی جو نجمی بدھو سن
آئی دولت تے ہو گئے لائق



دو گھڑیاں لئی ریت نبھا کے سُتے لوک
منزل اُتے تھک تھکا کے سُتے لوک

رُت بہار دی پیلاں پاندی آئی ویچ
پر اج سارے ہوش بھلا کے سُتے لوک

دو جیاں دا کیہ فکر بھلا دس اوہناں نوں
جیہڑے گھر وچ بھانبر لا کے سُتے لوک

سبھ دی اپنی ڈفلی سبھ دے اپنے راگ
اپنا اپنا متا پکا کے سُتے لوک

ٹردیاں پھردیاں شکلاں رُسیاں رُسیاں نہیں
تصویراں تھیں من پرچا کے سُتے لوک

انج گدا جیوں میلا ویکھن آئے ہون
ہسن گون اتح وقت لنگھا کے سُتے لوک

ہولی ہولی لنگھ گئی آ کے رُت بہار
پھلاں نوں بس چونہڑ لا کے سُتے لوک

گھر جاوَن تون پہلاں جھٹی پاندے ہے
مڑ کے سارے مُکھ پرتا کے سُتے لوک

تاے گن دے نجمی یار ایہ کئی دیر
اس دھرتی دی کفنی پا کے سُتے لوک



واج اک اپڑی میرے تیک
لگدی میرے دل دی چیک

سجّج کر دے سبجناں نوں
اپنے دُکھ سُکھ وچ شریک

ہس ہس پوری کیتی میں
مینوں جد وی پٹی پھٹیک

لبھدی اے جد مینوں ہار
پی جاناواں لا کے ڈیک

بیہڑے اوہدے پیائے میں
موت دی رکھن نت اڈیک

اوہ تے کدے نہ ہوئے دور
دل شیشے جو پے جائے لیک

پاڑن والا بن توں شیر
لنجیاں وانگ نہ جسم دھریک

بیہڑے دل وچ پاؤن پیار
ایسے ہر دم حرف الیک

بازی ہار کے مینوں کہن
تیری گل سی بجمی ٹھیک



گھول دتی اے وسِ تساں اوڑک
پاڑ پایا اے وِج دلاں اوڑک

دُنیا دُنیا ایس پئے کرنے آں
ایتھوں جانا ای اے اساں اوڑک

دیر تک ڈولدا رہیا پہلاں
بنھ لیا اوس نے سماں اوڑک

پھیر قست دا اس طراں ہویا
لبھ لیا گھرنوں بارشاں اوڑک

ایدھر اودھر پئے لکدے پھر دے نیں
قابو آنا اے مجرماں اوڑک

کھچیا کھچیا اے اوہ رندا اے
خیر ہووے گا مہرباں اوڑک

میرے سچ نوں پرکھ لیا اوہنے
ہو گیا میرا ہم زباں اوڑک

ایس دُنیا نوں تَجّ کے بیٹھا واں
دس توں لینا کینہ امتحاں اوڑک

دل نوں نجمیّ اجال رکھیا اے
ہور دستو میں کیہ کراں اوڑک



ہو گئے اج بنوراں توں وی ویکھے سوتے لوک
زر دے زور تے کرے نیں کچھ بتے بتے لوک

عزتاں والے ہر حالت وِچ گل دی رکھ دے لاج
پھر دے اوہو قول توں جیہڑے ہون لنگے لوک

کدے رکھ اگانڈے نیں ہن ونڈے نیں ایہ جھاں
اج کل تے سمجھ کر دے ویکھے کم اوتے لوک

جھولی دے وِچ پا دیندے نیں عمراں دے لئی دکھ
اپنا مطلب کڈھ دے ویکھے بن کے جھتے لوک

چنگیاں چنگیاں گلاں توں ایہ دھو بیٹھے نیں ہتھ
جدھر دی واء چل دی ویکھی اودھر چلے لوک

اتھرو پیار نشانی دیندے اج کل سمجھن یار
پہلاں سنیا دیندے سن کجھ پیار دے چھلے لوک

اج وڈیاں دے پیراں اُتے کوئی نیں رکھ دے پیر
رُل جاندے نیں بھیڑاں دے وج کل مکّے لوک

بے قدر بے نین قدر نہیں پاندے دین سیانف رول
چنگی گل نوں اج نیں بنھدے اپنے پلے لوک

جتنوں لہجھنی ہووے نجھی مطلب دی خیرات
بہہ جاندے نیں اوسے تھاں تے مار پتھتے لوک



لوکی جھوٹھ نہیں گھڑے دیکھ
نال و نطفیے پر ٹھہرے دیکھ

بُغضِ حسد تے حرصِ عناد
دلِ شیشے وِج جڑے دیکھ

خوشیاں نالوں مُک گئی سانجھ
غم دے دریا پر ٹھہرے دیکھ

آئی کیسی رُت بہار
پھلاں تھیں ہتھ سڑے دیکھ

ہستہ نشیں پاندے مجرم نوں
بے دوشاں نوں پھڑے ویکھ

پہلاں رج کے بولن جھوٹ
ڈٹ کے اُس تے اڑے ویکھ

مُجھکھ دی نگری جاوے کون
زردے میحلیں وڑدے ویکھ

نجمیٰ تیکنا ہے انجم
رُکھ توں پتر پھڑے ویکھ



غرضان دے جد پلے ناگ
بختاں نوں فر لڑے ناگ

پتھر جُتیاں توں رہ دور
ایہناں دے وچ پھرے ناگ

فیدہ برقاں لان دا کیہ
جتنے اگاں لاندے ناگ

اوہو فجراں نوں گئے ڈنگ
راتاں نوں جو نکلے ناگ

دلیویں کندھاں نوں نہ بھیت
کندھاں دے وچ رہندے ناگ

بہنٹے ذہن اچ کُنڈلی مار
سوچاں دے چمکیلے ناگ

مُلکیاں توں تے چنگے نین
راہواں دے وچ بیٹھے ناگ

جداوہ لیندے جان دا ناں
نظران ساہمنے گھمے ناگ

اج دے دور دے بنجی لوک
ناگاں توں نہریلے ناگ



ایہو سوچ کے ہواں دنگ
لوکی کر دے نیں کیوں جنگ

دن وی لگدا جیویں رات
جیون دا نیں کوئی رنگ

پٹی بھلیکھیاں اندر جان
دکھاں دیتا سولی تنگ

اُچھی اُچھی چک کے کندھ
کیتا دل دا ویہڑا تنگ

چنگیاں گلاں بھلیاں نیں
ظاہر ہو گئے ساڈے سنگ

روگی دی نیں لیندے سار
ویندے نیں سبھ اُس دا لنگ

ساوے پتر سک دے جان
بدلے نیں پر جیون ڈھنگ

پہلاں اُس نوں عودھ بیان
فر اُس سپ تول کھاندے ڈنگ

چلدے رہے سبھ اپنی چال
ٹُریا کوئی نہ بخمتی سنگ



دل دا روگ سنا کے سنگھ
دُکھ دا زہر پلا کے سنگھ

ساڈے ول وی مُکھ توں موڑ
سانوں وی زخما کے سنگھ

ایسراں ونڈ ہُن اپنی چھاں
پیار دے رُکھ اُگا کے سنگھ

مھیڑے کولوں رہ توں دُور
اپنی پت بچا کے سنگھ

راہ دے کندے کرے دُور
قرضے سبھ چُکا کے لنگھ

مجبوری دی ہر کندھ توڑ
اپنی گل منوا کے لنگھ

بیٹھے بوہتے دُنیا دار
اوہناں توں کترا کے لنگھ

چن توں بھاویں، آ نہ کول
اپنی دھوڑ تے پا کے لنگھ

تارے توڑ یاں چن اُچھال
نجمی ہنر دکھا کے لنگھ



شالا انج ای دیوے لورے خوشیاں والی پینگھ
چاٹھے ہر دم لک مروڑے تانہنگاں والی پینگھ

نال مزے میں لیندا رہیا ہونٹے ساری رات
بھا کے لے گئی واء دے گھوڑے سوچاں والی پینگھ

شور شرابے کولوں نس کے جد میں کلا بہہ جاں
مینوں تیرے پچھتے لورے یاداں والی پینگھ

متا متا بسدی جاوے سدے اپنے کول
ہمتہ ہلا کے گورے گورے چاواں والی پینگھ

میرے دل نوں کھچ لیندی اے جد میں لاواں زور
ایدھر اودھر ڈولے کھاوے نکراں والی پینگھ

ایدے نال ہلارے لیندا ، ڈگیا وان کئی وار
مینوں خوب بھٹائے جھوٹے سدھراں والی پینگھ

رُت دی رانی وانگوں میرا دل مُٹھدی اے روز
دوے ہلارے تھوڑے تھوڑے رنجھاں والی پینگھ

جنھّاں ڈھایا ہر اک کندھ نوں اپنی ہمت نال
اوہ اسمان تے ویکھے پاندے عزماں والی پینگھ

شک دے بدل وس گئے ، نکلی پیار دی نجمی دھپ
ویکھ فضا وچ نظری آوے رنگاں والی پینگھ



کیٹرا کہندا دستو کال
ہر بندہ تے ہے خوش حال

ڈھیری ڈھا کے نہ توں بیٹھ
نکیاں نکیاں آساں پال

سبناں نے پرتایا مٹکھ
سینے دے وِج کھبھ گئی پھال

ہار نہ جاویں جیون کھیڈ
ویلا آکھے سُرَت سنبھال

پلا چھنڈیاں نکلی دھوڑ
قرضے پھسیا اک اک وال

لوکاں اپنی بدلی گنج
ساڈے اوسراں بھیڑے حال

جیکر چاہنا ایں انصاف
حق دی کردا رہ توں بھال

پینی اوں جے سُکھ دی چھاں
دکھاں نوں توں کولوں ٹال

تیرے نجمی ٹھنڈے لیکھ
ایویں نہ کڈھوا توں فال



مینوں جین دا دل نئیں آیا میں آں بُردل
رکھیا دل نوں میں ترلایا میں آں بُردل

اُس جھوٹے دی ہو گئی سچی ہر گل ایتھے
میرا سچ وی جھوٹ اکھوایا میں آں بُردل

اوہے روپ دے موتی میں تے جُگ نہ سکيا
دل اپنے نوں نت زخمایا میں آں بُردل

سارے لوکاں رو رو دھوکھاں کڈھیاں نہیں پر
میں ایہہ بھانبر اندر لایا میں آں بُردل

اپنے دل دی گل میں اپنے سبناں نوں وی
کہہ نہ سکیا ، کہہ نہ پایا ، میں آں بُزدل

سُکھ دی منزل بھن لئی میں کچھ نہیں کیتا
کوئی بُوہا نہیں میں کھڑکایا میں آں بُزدل

اپنیاں رتجھاں دا گل گھٹیا اپنے ہتھیں
ہر اک سدھرنوں دفنایا میں آں بُزدل

میں تے کوئی وی رنگ نہیں چکيا رنگلی رت دا
رت لنگھی تے میں پچھتایا میں آں بُزدل

کدی کدی میں اپنے کولوں خچھی پچھناں
میں کوں ایناں بھارے چایا میں آں بُزدل



وہاں والیاں بکیاں کھولھ
ایہہ کیوں کھلے بکھیاں کھولھ

کھوہ پریم دا چلن دے توں
پیار دیاں نہ ٹلیاں کھولھ

میرے دل تے بجلیاں ڈیگ
جھٹک جھٹک کے زلفاں کھولھ

پٹیاں بن کے رکھ نہ توں
ویکھ تماشا اکھیاں کھولھ

مینوں لین دے سکھ دے ساہ
میریاں کسیاں مُشکاں کھولھ

رنداں تائیں لے آ جام
ایہ معمور صراحیاں کھولھ

وِج فضا دے مشری گھول
کنبدیاں کنبدیاں بلیاں کھولھ

کل جو دتیاں ہتھیاں نال
آج توں نال اوہ دنّاں کھولھ

بٹ بٹ تکی جا نہ توں
بُجھی دل دیاں گھنڈاں کھولھ



ممکن تے نہ آوے ہن تے ایہہ دردیلا موسم
کتنا چہر کوئی لاوے ایتھے دستو زخم تے مرہم

کچھ رتے باگیں جا کے جیہڑا لٹ مچاوے
اُس توں وڈا کون لیٹرا کیہڑا ودھ کے ظالم

تیری یاد اتج سبناں میں تے البسراں اتھرو کیراں
جسراں رات نوں اُترے باگیں پھلاں اُتے شبنم

ایہناں کولوں کاہدا اوہلا ایہہ نیں گھر دیاں کندھاں
ایہناں دے اسی سانجھ سہائے میں جینا واں ہر دم

دو نہہ پاسے دے دندے سچن تیگھے کر کے رکھدا
وچوں جڑ ایہ وڈھدا اُتوں آکھے تہاڑا خادم

اپنا اُتو سڈھا کرنا اوہنے جسراں ہووے
ایسے صفت بنایا خورے اوہنوں ساڈا حاکم

حق دو جیاں دے کھونڈا سبھ نال کرا دھکے شاہی
اپنی اس کر توت تے ارج تک ہو یا نیں اوہ نام

اکھراں دی ایہ کھیٹ نہرالی جیہڑی روز میں ویکھا
پیچھ نہ کنتی چستی اوندی پڑھنا واں جد کالم

کیہ ہو یا جے نال مرے انصاف نیں ہو یا بنجی
میں ستیا واں ایہ گل جانے اُنج تے سارا عالم



پے گئی شام ایہ لگا غم
توڑ نہیں چڑھیا کوئی وی کم

اک پلانگھ اے سورج دی
لنگھ جاوے دن کر کے چھم

روح دی سستی سڑدی اے
کوئی تے آکھے کھل جاسم

مارو مار غریبی نوں
حالے اس وِج ہے دے دم

دُکھ دا جھکڑ جھلیا اے
سینہ سڑدا اکھیاں نم

عشق دے روپ اولے نیں
پیوے زہر لہاوے چم

پھول کے کھاتہ دل دا ہن
تک لے اس دا توں دم خم

جس پل تینوں یاد بکراں
دُکھ دی نہروی جاوے تھم

غم دے بدل چھائے نیں
وسن ہنجو چھم چھم چھم



جد وی مُکھ وکھاوے ہُمھ
دل نوں آ ہتھ پاوے ہُمھ

ڈنگے آن کے ساہواں نوں
پکے پیر جماوے ہُمھ

واہ ہوئی اے ویکھو بند
اندر وڑدا آوے ہُمھ

دو گھڑیاں وِج سبھے کجھ
ردھا پکّا جاوے ہُمھ

پھلاں جٹیاں لوکاں دے
متھے شکناں پاوے ہمھ

ٹیک کے ایہہ نہیں دیندا ہن
اندر باہر نچاوے ہمھ

اے سب کمرے وِج سکون
باہر تے وڈھ وڈھ کھاوے ہمھ

تو دیوے دی کنبدی پئی
ہن تے سانجھ مکاوے ہمھ

بھوں چوں آوے ساڈے کول
نچمے نت ستاوے ہمھ



ولدے جائیے چار چھیرے کندھاں اُچیاں اُچیاں
لہ نہ جاوَن کدھرے تھلے دھپاں اُچیاں اُچیاں

بے ترتیبی رچ وِس گئی اے ساڈے اندر ایسراں
ویسٹریوں کولوں رکھیے ہُن تے گلیاں اُچیاں اُچیاں

عملاں والا کورا ورقہ اک نیس بھریا سا تھوں
دھون اکڑا کے کرئیے فروی گلاں اُچیاں اُچیاں

اپنی ذات دے آل دوالے ہر دم گھدے رہیے
کھیسے بھاویں خالی نیس پر سوچاں اُچیاں اُچیاں

ہُن تے دل دی مرضی ایہہ پئی جنگل ڈیرے لائیے
شہراں دے وِچ رہ گئیاں نیں چیکاں اُچیاں اُچیاں

بھونڈے جی تے سارنئیں لیندے پر کیوں خوئے لوکی
مرنوں تِکچھے پئے بنواندے قوراں اُچیاں اُچیاں

کتنے لشکر ٹورے کوئی نیں منزل اُتے پُجیا
راہواں دے وِچ اٹھدیاں رہیاں دھوڑاں اُچیاں اُچیاں

وِچ فضا دے خوشیاں مانن ہر خطرے نوں بھل کے
میرے توں تے چنگیاں ایہو ڈاراں اُچیاں اُچیاں

بھیڑے کم دی راکھی کرنا جنہاں دا اے شیوہ
اوہ دی ہر تے بنھ دے نجمی پگیاں اُچیاں اُچیاں



دل دا کعبہ رکنج بچاواں
تن وستی وِج پھرن بلاواں

سُکھ پروہنا بن کے آیا
اس نوں رکتھے دس بٹھاواں

سُردے بُلتھاں نوں چین آوے
لیندے سبھاں دا جد ناواں

یادیاں دے چنگیاڑے ساڑن
ٹٹے دل نوں جد سمجھاواں

وہماں والے تھل دے اندر
کنج یقین دا بُوٹا لاواں

لیراں لیراں جھولی ہوئی
پھل اتار دے کتھے پاواں

ریجھاں والا جگدا دیوا
ہتھیں دسو کنج بجھاواں

ماڑے اُتے ہل میں پھیراں
تلکڑے ساہمنے میں گھبراواں

نجمی ورگے مونہہ پھٹتھیں میں
کاہنوں دسو متھا لاواں



رنگِ خوشیاں دے جھولی پاؤں ٹُریا واں
صحراواں وِچ پھل اُگاؤں ٹُریا واں

جنتے مینوں چاہیا سبھ توں پہلاں سی
اوہدا ہن میں کھوج لگاؤں ٹُریا واں

مکر فریب دے جنتے جھیڑے کھلے نہیں
اوہناں تائیں مار مُکاؤں ٹُریا واں

بیہڑا ونختے آکے میرے جنتے نوں
اوہو تیریں ہک وِچ کھاؤں ٹُریا واں

سرتے چُک کے پیار دی کھاری ویکھ لُوو
سجناں دا میں درد ونداون ٹُریا واں

رُتاں وِچ تبدیلی اوڑک آوے گی
رنگلی رُت دا کھوج لگاؤن ٹُریا واں

دوجیاں وِچوں جیہڑے کیڑے کڈھدے نیں
اوہناں نوں وی کجھ سمجھاؤن ٹُریا واں

غم دے کندھے چُکے جنتی سِمت سی
ہسن خوشیاں دی خیر لیاؤن ٹُریا واں

بجنتھے نجمی پیار دے خواب دکھائے سن
میں اوہ رُسیا یار مناؤن ٹُریا واں



مُورَت ذہن بنائی اکھاں پھڑکن لگیاں
یاد سجت دی آئی تاراں کھڑکن لگیاں

میری وگدی رت تے جیہدا دل نہیں جھریا
اوہنوں ڈگیا ویچھ کے ساہواں اڑکن لگیاں

رُکھ تے بیٹھیاں سپاں جد وی سہریاں چکیاں
نہیرے دے وچ سہیاں چڑیاں پھڑکن لگیاں

پھلاں دے نال میں تے جد وی پیار جتایا
میرے چار چہیرے اکاں بھڑکن لگیاں

جنہاں دے نال پیار دی سانجھ ودھائی سی میں
اکھیاں دے وِج اوہو شکلاں اڑکن لگیاں

اگ ورہی تے ساکت ہویاں بسجھ دیاں نبضاں
رُت پھری تے اوہو نبضاں دھڑکن لگیاں

گل گل تے پئے آن ابالے لوکاں نوں ہن
وِج دماغاں جیویں لاندیاں گھڑکن لگیاں

میرے دل دے زخماں میں جد رولا پایا
ذہن چبارے آکے بجلیاں کڑکن لگیاں

بے تقصیرا تکیا جد میں سولی چڑھدا
ہنجوآں دے نال بھریاں اکھاں سڑکن لگیاں



بیٹھا ویلے دے کھنڈ نوجاں
سمجھ نہ آوے کیہ میں سوچاں

ہسٹر اندر ودھدا جاوے
اپنے دل نوں پیا دبوچاں

کول نہیں عملاں والی گاجی
پھٹی جند دی کیویں پوچاں

پٹھے سدھے پنڈے کر کے
پیراں نوں ہن آیاں موچاں

دین دی خدمت کرن چ اچھا
کیتا اپنا نام بلوچاں

میرے سرتوں لنگھ جاندی اے
تیری گل میں کیویں بھوچاں

کم ہوندے بس اونہاں دے نیں
کول نیں جیہناں دے اپروچاں

جتنا کم کھڑاری دا اے
دا ای دسنے ہوندے کوچاں

ودھدی جاوے کاک دل تے
نجمی اینوں کنج کھروچاں



پیار دے ذائقے میں تے سائے دیکھے نہیں
موسم سبھے ہو لے بھارے دیکھے نہیں

تیری تانہنگ اتح گلشن گلشن پھریا واں
میں گلشن دے سمجھ لشکارے دیکھے نہیں

واواں آیاں رنگاں بھریاں میرے کول
تتے ٹھنڈے خوب نظارے دیکھے نہیں

ڈالی ڈالی گیت میں گائے پھلاں نال
میں پھلاں دے سائے کائے دیکھے نہیں

اپنے من دی دُنیا آپ میں بدلی اے
طوفاناں دے کئے دھارے دیکھے نہیں

پنڈ بنھ کے تے کوئی وی بیٹھا دِسیا نہیں
ہر تھناں ای میں پئے کھلارے دیکھے نہیں

کہیاں دے گھر کھید پئی اُدی دِسی اے
کہیاں دے میں میجل چبارے دیکھے نہیں

تیریاں یاداں جیڑے آن دکھائے سی
میں اوہ سارے منظر پیارے دیکھے نہیں

اُس تھیں ودعیا ہون دا منظر دساں کیہ
اودھی اکھ اتھ چمکدے تارے دیکھے نہیں



اپنی سیت مٹاندے سین ایہہ کلیاں رہ کے ٹھہر دے نیں
چارہ گر توں خورے کاہنوں اج دے لوکی ڈر دے نیں

دنداں دے نال کھولن اوہو ہتھاں دیاں دتیاں نوں
سوچ سمجھ توں کم نہیں لیندے جو چترایاں کر دے نیں

دکھاں والی کالی رات نے البسراں سانوں چنڈیا لے
کھرے کھرے اوہ وی کوندے جیہڑے ساڈے گھرے نیں

سونے دے نال ٹانکے پتھر لوکی چا نال ویندے جے
سانجھ سہارے جس دے چٹکے اوہو عیشاں کر دے نیں

و کھرانہ اکھواویں سبجناں توں دُنیا دے نال ٹریں
شوق اوّ لے پالن والے وقت توں پہلاں مرے نیں

دُنیا اک دریا اے وگدا بندے وِج نیں پتھراں وانگ
بسبھ طوفانی لہراں نوں جو اپنی ہک تے جردے نیں

اُچّے میخیں سوون والیو، تھلے آکے ویکھ لوؤ
فٹ پاتھاں تے سُتے ہوئے کتے بے گھر ٹھہرے نیں

اس دھرتی دے بھاگ نیں سُتے ایسے لئی انج ہوندا اے
جیہڑے حاکم بن دے ایتھے اپنے کھیسے بھر دے نیں

اپنی مہنجی ہیٹھاں نجمی ڈانگ کدی نہ پھیرن لوک
دوجیاں دی پر نیّت اُتے ہر دم انگلاں دھرے نیں



جادو کیتا خوش گفتاراں
دھرتی دیکھے پیار بہاراں

موسم کٹھیاں رہن دے آئے
میں وی سانجھ دی کندھ اُساراں

بُلٹھاں اُتے ہاسے چمکے
چوڑے دتیاں نہیں پھنکاراں

مُڑ اتبار گواچے لہجے
برچیاں جیون وِج مہکاراں

بُوہے شوق دے کھل گئے سائے
وہ جن لگ پیاں دل دیاں تاراں

یار دے ہتھ نہیں ڈوراں سجھے
راہ دیوے یا کرے دیواراں

اُچّا ہووے دیس دا ناواں
ایہدے تے نت رہن بہاراں

پھل سوچاں ذے ٹہکن لگ پئے
رونق ہو گئی وچ گلزاراں

اج اے نجمیٰ بیچنا اوکھا
اُٹھیاں تیکھیاں تیز کٹاراں



لوکی جذبے سولی ٹنگدے میں دیکھے نہیں
مُنصف ایتھے رشوت منگدے میں دیکھے نہیں

مانگت وی اک پیشہ بنیا کیہ ہُن کرئیے
ہٹے کٹے لوک وی منگدے میں دیکھے نہیں

کون اے جیٹرا توڑے ظالم ہتھیاں نوں ہُن
حق والے وی ایتھے سنگدے میں دیکھے نہیں

لوچھ ہوس نے کھوہ لیا پیار و طیرہ سبھ توں
بھانبر بلدے تھیں تھیں جھنگدے میں دیکھے نہیں

ایویں تے نیئیں لوکی ڈردے رسیاں کولوں
سپ رسیاں دے بن کے ڈنگدے میں دیکھے نیں

اودھی اک نیئیں منی کیتی اپنی مرضی
ٹوٹے کر کے اودھی دنگ دے میں دیکھے نیں

اپنے سچیاں ہون دیاں جو قسماں کھاندے
وڈیاں لے کے ہتھ اوہ رنگ دے میں دیکھے نیں

چونکاں وچ کھلوتے منڈے پیٹاں پا کے
کڑیاں ولیں دیکھ کے کھنگدے میں دیکھے نیں

سارے نیئیں اک جیسے ہوندے نجمی یارا
پنگے لوک بھیرے جھنگ دے میں دیکھے نیں



پیار دے پھل مسکائے نہیں
سبناں درد و نڈائے نہیں

پلکاں بجھیاں بجھیاں نہیں
شکوے مونہ تے آئے نہیں

وعدے تے آ کر یے کھانا
وعدے کسے نبھاتے نہیں

جتنھوں وی کچھ کے جیوندے ساں
اوہنے روسے پائے نہیں

دل و تح ہو س اے دولت دی
صابر ناں رکھوائے نہیں

ہور وئی بھڑکی لائی اے
بدل دے اس سائے نہیں

میری یاد دے شیشے توں
نقش ترے دھندلائے نہیں

جھوٹے چوڑھڑ لے بیٹھے
سادھو چور اکھوائے نہیں

منصب نجمی وڈے سن
بندے چھوٹے لائے نہیں



اگ نفرت دی چار چپیرے اس وقح سٹردا کیٹرا نہیں
جنگ غربت دی اندر باہر اس نال لڑدا کیٹرا نہیں

جیکر تہاڈا اذن ملے تے اک گل تہانوں آکھاں میں
پھل ملن تے اوہناں نوں فرہس ہس پھڑدا کیٹرا نہیں

لوڑاں دا اک ہڑھ اے جیٹرا پتھر سمھ اٹھواندا اے
علم جیاتی مفت بے لہجے گھرنوں کھڑدا کیٹرا نہیں

میری کھوٹی قسمت دے وقح پیار ترانیں لکھیا سی
دسو ہیرا لبھ جاوے تے تاج اچ جرڈا کیٹرا نہیں

جتنے ساہ میں لے کے آیا اوہ تے پورے کرنے میں
ہر اک شے وے فانی ایتھے پتر جھڑا کیٹرائیں

تھاں تھاں کنڈے کھڑے نہیں مکاری عیاری دے
لوکی پتے لکھ بچاون اس نال اڑدا کیٹرائیں

کوئی ہووے گا جیٹرا حق سچ اپنے سرتے لیندا اے
دو جیاں دے سراپنے اوگن ایتھے مڑدا کیٹرائیں

سچ توں لوکی دُور پئے ہووین نہر پاسے ایہہ دیکھ رہیاں
چلن جیکر جھوٹھ بہانے تے فرگھڑدا کیٹرائیں

پیار دا موسم تکیاں مینوں نجمی مدت ہو گئی اے
ویر کرودھ نفرت وچوں ایدھر وڑدا کیٹرائیں



زہر جو پلاوے مینوں
یار اوہو بھاوے مینوں

اوہدے اُتے مراں جیہڑا
لارے نت لاوے مینوں

دُکھ کیکھدے اگے پھولاں
ایہو دُکھ کھاوے مینوں

چیترے دا پل پل
ڈنگ ڈنگ جاوے مینوں

یار میرے کول کھڑا
ہستہ نہ پھڑاوے مینوں

بلدی تے تیل پاوے
بڑا ای ستاوے مینوں

ڈھیر کرے جتتاں اوہ
دند چہ وکھاوے مینوں

ہر ویلے نواں دُکھ
آکے جگاوے مینوں

آپ مہارا جیہڑا
کیہ سمجھاوے مینوں



اپنی گل تے لوک اڑے نیں
خورے کتھوں سبق پڑھے نیں

ڈانواں ڈول جو پھر دے پئے نیں
وکیھو بہندے کس دھرے نیں

سوہن دیاں کیہ گلاں جھوہیے
پھلاں نال ایہ ہتھ سڑے نیں

کچھ نظراں دے تیر نیں کھتے
کچھ زلفاں دے ناگ لڑے نیں

پورا بھاویں اک نہیں کیتا
وعدے کیتے اوس بڑے نہیں

ساجھ مروت جد دی مکتی
غم دے دریا گل چڑھے نہیں

جیہڑے جھوٹے نوں سچ بناون
ایتھے انج دے لوک بڑے نہیں

شمع اُتے جان سو واری
پروانے دے پر جھڑے نہیں

خورے نجمی ہوراں آنا
سبجن راہواں کل کھڑے نہیں



میں خوشیاں نوں بھناں خوئے کیہڑے شوہ وچ رڑھیاں نہیں
 سمجھ دے حصّے آندیاں سیں ایہ تے قسمت پڑیاں نہیں

ویر کرودھ نفرت نوں تے سانجھ سانجھ کے رکھ دے آں
 اُلفت چاہت پیار جٹیاں سمجھ شیواں ساتھوں رڑھیاں نہیں

وپیج کے اپنا اپنا سودا سارے ٹردے جاوَن پئے
 میریاں سدھراں اوڑک نوں میرے ول ای مڑیاں نہیں

توں رسیا تے انج لگا جیوں جان جسم چوں جاندی لے
 کوس لایا پرٹیاں سانجھاں میٹھوں مول نہ جڑیاں نہیں

لگدا میرے لیکھاں دے وِج رت نے خوشیاں لکھیاں نیں
ایسے لئی تے میرے کولوں ہو کے والپس مُڑیاں نیں

پیار دے بول وی بولن لگیاں دستو کوئی مُل لگدا اے
پر ایہہ شیواں ساڈے کول تے لگدا تھڑیاں تھڑیاں نیں

ایہناں دے وِج سانجھ دا مینوں کوئی وی رشتہ دسدا نیں
اپنے اپنے مطلب دے لئی ایہہ سبھ کندھاں جُڑیاں نیں

اپنی اپنی دونواں ویکھو کنج شناخت بدلی اے
تیکدے رہو پر پتہ نہ لگے مُنڈے نین کے گڑیاں نیں

اساں کیہ دینا نجمی یارا اون والیاں نسلان نوں
ساڈے کول تے اپنی لئی دی پیارتے خوشیاں تھڑیاں نیں



ہمت نال سی مارے بنھ
ہمدردی نے توڑے بنھ

مرزے یار دی بکٹی نوں
اپنے دل دی گکھٹے بنھ

صبر رضا جے چھٹ جاوے
ٹٹ جانڈے فرسائے بنھ

جے کر پینا خالص دُدھ
فیر لویری بوہے بنھ

فطرت اوہدی طوطے وانگ
بھاویں پیار دے رستے بنھ

انج نہ کر توں بسمل یار
دکھ نہ ساڈے پتے بنھ

اوہ تے عابد تیرے نشیں
مارن جیہڑے کچھ بنھ

اوہ قسمت ہتے شاکر نہیں
جیہڑے مار کے بیٹھے بنھ

نجمیٰ اپنے محسن نوں
دل دے بندی خانے بنھ



ہر اک اکھ آوارہ کیوں اے ایہ وی سوچو
بن دا پھل شرار کیوں اے ایہ وی سوچو

نسدا جاوے اٹھے وا ایہ توڑ کے راساں
بندہ آپ مہارا کیوں اے ایہ وی سوچو

کیٹری گلوں ہوئے ساڈے پنہ لمیرے
ٹٹیا آس دا تارا کیوں لے ایہ وی سوچو

اوہنوں کیٹری پر لگے سرخاباں دے نیں
جھوٹھا سچ توں بھارا کیوں لے ایہ وی سوچو

بے حسّی کیوں دسّو دل تے راج اے کر دی
چاہت وِج خسار کیوں اے ایہ وی سوچو

آکے کملے رنداں تائیں کیوں ترسائے
رُت ایہ لاندی لارا کیوں اے ایہ وی سوچو

کسے دا ویلا سمجھن نہیں ایہ سارے آکھن
ویلا بے اتبار کیوں اے ایہ وی سوچو

کاہدے لئی ایہ ہندہ اینے پا پڑ ویلے
پایا رانج کھلارا کیوں اے ایہ وی سوچو

اکھ پُرا کے خجھی توں اوہ لنگھ جاندا اے
فروی بگدا پیارا کیوں اے ایہ وی سوچو



تھوڑی تھوڑی پیار دی سبناں کھٹی کر لے لو
اس وچ اپنی چاہت دے توں ہنچو ہار پرو

اوہناں نال یرانہ کیہ جو بوسنے لیندے ڈھو
اوہناں دے دوستانے کیہ جھناں وچ لے بو

جیہڑی میں سمجھائی تینوں من لے توں اوہ گل
اوہ تے کافر ہویا لے پر توں نہ کافر ہو

کتنی وار میں لکھ لکھ ڈھایا اوہا پیارا ناں
آئی نیں پر اوہدے وتوں یاداں دی خوشبو

میتھوں ایسراں وکھرا ہو کے تینوں لبھنا کیہ
میرے نال توں دل کے آہن چائن راتے رو

دُکھ دا ساتھی بن کے کوئی نہیں ٹریا میرے نال
خوشیاں مینوں بلیاں نہیں میں دُکھ ای لیتے دھو

گل سرے توں چاہڑ دے اینوں ادھوئے نہ چھڈ
اوہو یار ای پیارا لگدا توڑ نبھاوے جو

میں سوچاں نوں آکھ بھیا واں تسیں نہ پاؤ جھل
میرے کول نہ آؤ مینوں تارے گنن دیو

اوہدے دل توں لہ نہ جاویں دیکھیں کدھر توں
اوہدے کول نہ ایناں جا کے بجمتی یار کھلو



دُشمن نل کے بیٹھے راہ
سجّوں ساڈی تیکدے راہ

قدم قدم تے رُکنا پئے
جد گلشن دی چلیے راہ

اوہناں نوں سمجھائیے کیہ
جاون جیہڑے پیٹھے راہ

دُھپاں دے وِچ سڑدا رُکھ
بارش دی ہُن ویکھے راہ

یاراں نوں ایہہ نہیں توفیق
پاون سانوں سدھے راہ

اوہناں نوں توں کچھ نہ کہہ
جھڑے اپنی لگے راہ

میرے کول کھلوندے نہیں
سارے اپنی لیندے راہ

کتنی کٹ کے جاندے لنگھ
اچ نہیں لوگی منگدے راہ

جنھوں نجمی حق دی بھال
اوبدے ضامن سچے راہ



جیوی نہ ہووے بوہتیاں کماں دا فائدہ
ایسے طراں نشیں ہووندا لشکاں دا فائدہ

وڈا سی مونہہ جدوں کدی مینوں سی ملدیاں
ہن آگیا اے ساہنے جھڑکاں دا فائدہ

بے شک ایہ میرے نال ای رہندے نیں ہر گھڑی
ویلے تے کم نہ آئے تے سبناں دا فائدہ

نہیرا جے میرے گھر دا ای ہویا نہ دُور تے
مینوں بھلا کیہ چن دیاں کرناں دا فائدہ

منزل تے پہنچ کے ای ایہ آندا خیال لے
رستے ج تیر کیتیاں قدماں دا فائدہ

جس دن سفر تے نکلیا کیتی مسافت
تیری منظر چ آوے گا رُکھاں دا فائدہ

وٹے نہ لوڑ ویلے جے دستو بھلا تسیں
سانوں کیہ سرتے چھا گئے بدلاں دا فائدہ

جیکر ایہ ساڈے گھوڑی راکھی نہ کر سکن
فیر کیہ توں دس اُساریاں کندھاں دا فائدہ

جیہڑے نیں دل دی تار نوں جا کے پلاوندے
بخمی بھلا کیہ انج دیاں شعراں دا فائدہ



مار گئی اک گل نہی جی
لے گئی روہڑ کے پھل نہی جی

سارا جُتہ نال اے میرے
اک شے اوہدے ول نہی جی

مت لینے دے دینے پے جان
چال اوہدے نال چل نہی جی

دل نوں ڈک کے رکھیا سی پر
سدھر گئی اے پل نہی جی

سُکھ مانے ای جس دھرتی تے
اوس لئی اوکڑ بھل نکئی جئی

دکھ دریا تے گل چڑھے سن
کیہ کردی دس ٹھل نکئی جئی

مٹھے مٹھے پھل ایہ پیارے
دیندی سانوں ول نکئی جئی

کیسں جدوں وی پھڑپا جاوے
دیندے مچھتی تل نکئی جئی

چھڈ دے نجھی ساری دُنیا
پیار دنی نگری مل نکئی جئی



ہستہ جدوں وی ایتھے دولت بدلے گی
میرے دیس دی اوہدوں قسمت بدلے گی

پیار دا چائن جس دن ایتھے کھلے گا
سادے مکھ دی اوہدوں زنگت بدلے گی

شاہیں جے پچھتاہیے دن دیاں کماں تے
روگ مٹن گئے کجھ تے صورت بدلے گی

اکھیاں نوں جد تو لبھی سچائی دی
فرایناں دی ساری حیرت بدلے گی

جس دن اپنا ودھ کے توں حق کھوویں گا
تیری قسمت اُس دن قدرت بدلے گی

کیٹری شہ تے میری میری کرنا ایں
کسراں دس ایہ تیری عادت بدلے گی

دل کعبہ جد پیار دے نال سجاواں گے
ودھ جاوے گی عزت، حرمت بدلے گی

اکو جٹی جد سمجھ و پنج چاہت ونداں گے
ساڈی حالت فیر محبت بدلے گی

جد توں نجمی اپنی ذات پہچھانے گا
اوپروں ای فر تیری حالت بدلے گی



مل جاوے جے دل نوں چاہت فرنیں دُنیا بھیری
دے جاوے جے یاری راحت فرنیں دُنیا بھیری

سانجھ سہاے مل جاوے تے دُور ہنیرے ہوندے
اپنے جے نہ کرن بغاوت فرنیں دُنیا بھیری

مُجھکے کوئی نہ سوں وے ایتھے رچیا کوئی نہ رووے
ایسراں دی جے ہووے حالت فرنیں دُنیا بھیری

سارے گونگے بولن ایتھے سارے اٹھے دیکھن
مل جاوے جے اپنی طاقت فرنیں دُنیا بھیری

دامنِ وِج شرارے ہوون بھاویں پھل مہکے
پے جاوے جے فکر دی عادت فرنیں دُنیا بھیڑی

سارے لوکی رل رل ایتھے خوشبوواں ورتاواں
کڈھ دیون جے دل چوں نفرت فرنیں دُنیا بھیڑی

سُکھ دیاں سانجھاں پاوون سارے دکھ وِج لین اے ساراں
مک جاوے جے ایتھوں غربت فرنیں دُنیا بھیڑی

سولھ سویرا ہووے ہر تھاں دُور ہنیرے ہوون
سُفنے جے کر بن حقیقت فرنیں دُنیا بھیڑی

لوڑ پوے تے نجمی دل دی پیاس بجھاوون خاطر
بھ جاوے جے پیار دامت فرنیں دُنیا بھیڑی



رُتّاں دے ہُن ڈنگ میں کھاواں جی کر دا اے
دریا کنڈے بہہ کے گاہاں جی کر دا اے

اپنے ٹھنڈے لیکھاں نوں میں نگھ پُچاواں
دل دے جنگل وِچ اگ لاواں جی کر دا اے

دھوڑ غماں دی ہولی ہولی بہہ جائے ساری
کو سے اتھرو انج وگاہاں جی کر دا اے

اکھ دی نگری دیوا بن کے جگدا راں میں
ہر اٹھے لئی اکھ بن جاواں جی کر دا اے

لو بھ توں ہر دم پاک رھے ایہہ پیار مرا ہن
اُکھڑن میریاں انج ای ساہواں جی کردا لے

پیار خلوص دی وا نوں جتھے ڈکيا لوکاں
اوتھے اوتھے سنھ میں لاواں جی کردا لے

سفنے ہوون رنگ برنگے رنگ بھریاں تعبیراں
ویکھاں ہر دم شوخ اداواں جی کردا لے

پہلاں اُس نوں چونبڑ لاواں تھپیڑ دیاں میں
رُس جاوے تے فرمناواں جی کردا لے

کھلے رکھاں ہر دم نجمی سا بچھ دے بوسے
ال منڈراں وِچ ٹل وجاواں جی کردا لے



جیہدے ہوون مندے کالے
اوہدے مسختے بول وی کھالے

اوہدے لئی سبھ رستے روشن
جیہدی اکھ وِتھ چمکن تالے

اوہنوں ای بس اصلی بھدی
پیون لئی جو آپ نتارے

پیار دی خوشبو کنج اوہ پاون
جنھاں دل دے بوہے مالے

رونا وی فر لذت دیندا
روئے ہے کر رب دربارے

اوہ دریا دا حال کیہ جانن
ٹر دے جہڑے نال کنائے

پہلے دھندے مک جاوون تے
سجناں پائیے ہور کھلارے

اُتوں بھولا، وچوں کھچرا
مینوں شیشے وچ اُتارے

نجمیٰ حال کیہ دسے اپنا
گن گن تارے رات گزائے



اپنی وقح جیاتی میں تے خیرے گھلے دیکھے
جدوی دیوا بال کے بیٹھا جھکڑ جھلے دیکھے

سبز سویرا اوندا دیکھ کے ہا سے سی جو ہسری
اوسے اکھ چوں اج میں سبناں ہنجو ڈھلے دیکھے

کھندے سن پٹی تارے چمکے رستہ دسن والے
منظراں چمک کے تکیا تے اوہ راہ وچ رلے دیکھے

جنہاں دیاں بنیاداں نوں پکیاں کیتا ، متخصیں
زر دی تکرڑی دے وقح میں تے اوہ وی تلے دیکھے

جیہڑے کھیت دا اپنے وتوں کل تے کم نہیں پایا
دن چڑھیا تے نویں سیلے او تھے پھلے دے دیکھے

دکھاں نیں ایہہ حال اے کیتا اج دے دور دے اندر
اُتوں لوکی کھاندے پیندے وِتچوں گھلے دے دیکھے

وانگ شکاری دانہ سُٹیا جھٹھے پچھا ہی لا کے
اوبدے لئی میں سارے بوہے آپے گھلے دے دیکھے

مونہ دے سبھ ملاحظے ہوندے اساں تے ایہو تکیا
اکھ توں جیہڑے اوہلے ہوئے دِلوں وی بھلے دے دیکھے

کوئی کوئی ہوندا جیہڑا پڑھدا حرفاں نوں گوہ کر کے
بوہتے لوک نیں نجی جیہڑے ورقے تھلے دے دیکھے



پا کے لیٹے رنگ برنگے
لوکی لگے فروی نئے

میری گل نوں زندن والے
اوہدے اگے بن گئے بہنگے

پہلاں رکھ دے تہن سی کٹے
ہن او سے توں چھاں بیا منے

قید نہ رکھے اوہنوں آنکھ
مینوں پھڑ کے سولی ٹنگے

جس توں منزل ہوئے اوہلے
رستہ اوہنوں کیوں نہ ڈنگے

میریاں لوڑاں ظلم کمایا
کٹیاں انج ای ہتھ نیں رنگے

عشق دی آگ وِچ میں سٹرنا واں
ہمت میری وانگ پتنگے

بد نیت سر پر نے ڈگدے
اکھواندے نیں چور لفنگے

اُنج تے سچدا محفل محفل
بخمّی کولوں پر اوہ سنگے



پکدا سجنو پھل پیار دا سبے سبے
گوڑا ہوندا رنگ اتہار دا سبے سبے

ایویں نہ توں سُفنے تکیں رنگ برنگ
قرب کریں توں حاصل یار دا سبے سبے

عشق دے تھل وچ اتھے وا نہ لیا جاویں
قد و دھاویں اپنے پیار دا سبے سبے

توڑ نہ دیویں سجرے ہا سے دل چندے دے
چڑھدا ہوندا رنگ بہار دا سبے سبے

بولی مارے یار مرے دل زخمی کیتا
زخم بھرے گاہن اس وار دا سبھے سبھے

سرتے آیا ہولی ہولی صدق دا سوچ
سایہ گھٹیا شک دیوار دا سبھے سبھے

کچھ سبھاں دا روپ وٹا کے سکھ دا چانن
پچھے آوے واجاں مار دا سبھے سبھے

اوہو ای اس دُنیا دے وچ سو بھا کھڈا
خدمت دا جو میجل اُساں دا سبھے سبھے

سبھاں نوں سنگیت سنا دے نجھی یارا
اج تے اپنے دل دی تار دا سبھے سبھے



دُنيا آن کنارے تے
وِسیا جھوٹے لارے تے

دُنيا جیویں منظر اک
لگی اکھ نظارے تے

بالاں وانگوں سوتج مری
چڑھدی ویکھ چبارے تے

جھوٹھی پرہیا بیٹھی اے
ہونا ظلم و چارے تے

بھیت دلاں دے کھلے نیں
جھانجر دے چھنکارے تے

گل گلاواں پا بیٹھا
ہاں دے اک اشائے تے

مینوں وحشت ہوندی اے
اوہدے ہر اک کارے تے

مڑ مڑ مینہ پیا وسدا اے
میرے چونڈے ڈھالے تے

اکھیاں وِچ حیرانی اے
تیرے ایس کھلارے تے



آلا بھولا سچ اک پاسے جھوٹھ وپاری اک پاسے
دل تھیں ملنا اک پاسے تے دُنیا چاری اک پاسے

ظاہری حالت ویکھ کے میری میتھوں دُور نہ ہوویں توں
اکھ دی جھاتی چار چفیرے، دل دی باری اک پاسے

چاچے، مامے ساک نیں سوہنے چنگے رشتے بہن بھرا
ممتا دی کوئی رلیں نہیں اے دُنیا ساری اک پاسے

نظماں، غزلاں گیتاں دے بسھ شاعر سوہنے لکدے نیں
ہر اک دی اے اپنی تھاں پر نعت لکھاری اک پاسے

چھو بیاں بلماں تے شمشیراں اپنی تھاں تے زہری نیں
ہرئی ورگے نیناں دی پر پیار کٹاری اک پاسے

سوچ رہیاواں دونواں وچوں کیٹری دھارن بھاری اے
اک پاسے نیں جتاں سجھے بازی ماری اک پاسے

ہر شے دا مل دکھرا سبھ نوں کسراں ساناں تولیاں میں
بیٹھ رہیاواں ایسے لئی میں بکّل ماری اک پاسے

روپ تے ہور وی سوچنے نیں پر روپ سلکھتا اے
ملنا گلنا سبھ نال واں پر یار دی یاری اک پاسے

کئی ان دیکھے جذبے دل وچ آکے خوشیاں وند دے نیں
سبھ دی تھاں اے اپنی تھاں پر پیار اڈاری اک پاسے



تیری یاد اتح اتھرو اکھیاں بھر کے نکلے
ڈکیا کنا اوڑک دھکا کر کے نکلے

میری ہر دم ایہو مرضی ایہو منتا
میرے دل چوں یاد سجن دی مر کے نکلے

کاہدے لئی ایہہ آئے چھڈ کے کُلی کوٹھا
اپنیاں لوڑاں تھوڑاں توں ایہہ ہر کے نکلے

آؤ دساں اج جیاتی کیویں گذرے
جیڑا ساہ دی نکلے ہک چوں ٹھر کے نکلے

کوئی نہ آیا جیہڑا دردی بن کے ساڈا
اُلفت والی کھاری سرتے دھر کے نکلے

تھوڑے اُتے آج قناعت کیہڑا کردا
جیہڑا ہتھ وی پیندا دونے کر کے نکلے

امر کہانی اوپناں دی بس ایتھے ہوئی
پیار دے پن جیہڑے لوکی تر کے نکلے

موسم دے ورتارے تے حیران نہیں ہوندے
رُتیاں دی جو نرمی گرمی جر کے نکلے

روز دھماکے ہوون پاروں خوف مسلط
جیہڑا نکلے نجمی گھر چوں ڈر کے نکلے



اپنے ہوناں چانن کرئیے اسیں آں ہمتاں والے
ساڈا رستہ ڈک نہیں سکدے ایہہ رستے کنڈیا لے

اوہناں چرتے سانوں نہیں کجھ لُطف ٹرن دا آندا
نال مشقت جنہاں چر پیریں پین نہ چھالے

میں اشرف مخلوقاں دے وِتھ مینوں کیڑا چھوہے
جگمگ جگمگ ہونڈی جیہڑی میرے نور دے بالے

میرا مان ودھاوَن اَج وی میریاں تینر اڑاناں
جھنڈے اپنی عظمت دے میں ول اسمان اُچھالے

چوندے ڈھارے لپتے جانے کدی نہیں نعرے لاکے
خالی خولی نعرے لانے ہوندے بہت سکھالے

پچھتاوے دے وس جو پاؤں دیوں غم دا جھورا
بندہ اپنے دل دے اندر ایسے روگ نہ پالے

اک گل تہانوں میں سمجھاواں پتیاں بھار نہ ٹرنا
مونہ پر نہ اوہ ڈگیا جیہڑا پے گیا انج دی چالے

میں تے اج تک کیتے نہیں جے مجبوری دے سو دے
میں نہیں بولتے پیر پساے ویکھ کے آل دوالے

ٹٹ جاؤں جے سانجھاں تے فراس تے جھڑنا کاہدا
اوہ پاگل نہیں جنجھاں نجمی ٹٹے تیر سنجھالے



کچھ لوکاں نوں روڑ سمجھ کے چھنڈیا اے
انساناں نیں انساناں نوں ونڈیا اے

خون دا رشتہ لگیا کچّا دھاگا اج
کم نیں آیا کتنی واری گنڈیا اے

کیڑی گل تے تیری میری کرنا ایں
تیرا میرا دس کچھ سبناں ونڈیا اے

جنہاں اُتے مان ودھیرا کردا سی
کیہ دتاں میں اوہناں گھر گھر بھنڈیا اے

جیہڑا سہتھیں چڑھیا ایس زمانے دے
ایہنے رل کے اوہنوں چنگا چنڈیا اے

جس دا میری ذات دے نال تعلق نہیں
اوہ الزام وی میرے سرای منڈیا اے

ماڑے لوک شناخت اپنی بھل گئے نیں
غربت نے کجھ ایسراں پنڈا پھنڈیا اے

چنگے بھیتڑے دوٹویں طبقے وہیناں واں
ہر اک نے کم اپنا اپنا ونڈیا اے

میری محنت ایسا نجمی لیرا سی
غیر دوالے پے کے جیہڑا ہنڈیا اے



اوہو اپنا روگ سنا دے جیہڑا لنگھے
دکھاں والا زہر پیا دے جیہڑا لنگھے

کیویں پھٹن ایتھے پیار دے چشمے دسو
سکھرے پانی نوں گدلاوے جیہڑا لنگھے

تار دلاں دے ڈھولے مائیے کیویں چھیرن
دل پنچھی نوں آرزخاوے جیہڑا لنگھے

میزی چودھر چلے ایہ گل ہر کوئی چاہوے
اوہو دانا پیا اکھواوے جیہڑا لنگھے

اگ تے پانی پاندا اج نیس دسدا کوئی
پانی دے وِج اگ پیا لاوے جیہڑا لنگھے

آون والے ویلے دی جو سار نیس لیندا
اس ویلے تے کنج پچھتاوے جیہڑا لنگھے

سکھ دی دولت کل اوہ آپے ویکھ لوے گا
اک اک کنڈا چکدا جاوے جیہڑا لنگھے

ویندیاں ویندیاں گلشن سارا مہک اٹھے گا
پیار اپنے دے پھل ورتاوے جیہڑا لنگھے

چانن ونڈے کوئی نہ اج تے ایتھے نہی
روپ نگر تے دھوڑاں پاوے جیہڑا لنگھے



کے نشیں تینوں آگے چُکنا جے توں ڈِگیا تھلے
جیکر تیرے بھاگ سوتے تیری بتے بتے

مارے نے جد ہاک سی ماری سمجھ نے مونہہ پرتایا
بھج بھج جانڈے ویکھے میں جد تگڑیاں سدھے گھلے

بے قدری دے ہتھوں پکتا کوٹھا وی ٹھہر جاندا
کنیاں کو برساتاں اوڑک اپنی ہک تے ٹھلے

لوک آندے نہیں موت ای آکے سائے روگ مکاندی
میں وی تے ہن ایسے لئی نہیں موت دے رستے ملے

ایہ نہ سوچیں دُور اے تیتھوں اوس کیہ تینوں کہنا
 زنجی موٹی ہر شے روہڑے ہڑھ جد مارے ہلے

اُدے بدل پھل گلشن دے بھل بیٹھی اے سارے
 رنگلے سفنے تکی اکھ نے دکھ ہن بنھ لئے پلے

بھکھ دامٹل سانجھا ساڈا دونواں دا پر سبھاں
 میں لبھنا واں اَن تے پانی توں سونے دے چھلے

کل دی گل نیں کودا ٹر گئے کل ہنداون والے
 اج تے لوکی جی لیندے نیں رہ کے کلتے کلتے

اُنج تے نجمی پیلی پیلی پھل کپاہ دے ہسن
 اِس دا سوتر کت لئے ایہ ساڈی پیش نہ چلے



جنہاں دیاں منگیے خیراں اوہ سانوں ترّ فاندے
ساڈے سبّجَن ساڈے پیار دا کیہ وکھو مل پاندے

ایتھے کال محبتاں دا اے ہور نئیں گھاٹا کوئی
ایسے لٹی تے اک دوجے توں دُور آں ہوندے جانے

ساڈے تے وی پادے کجھ توں پیار سلوک دیاں کنیاں
جہڑے بدل وسدے نئیں اوہ بوہتیاں اکاں لاندے

ایویں پیا توں لوکاں تائیں اپنی بپتا دسیں
اج تے لوکی چہریاں توں وی دل دا کُرب لکاندے

کون کسے دی پکھ کر دالے ایہ کم سوکھا نہیں جے
دالاکے تے اج دے لوکی دوجیاں دا حق کھاندے

میں روون لئی روز دیھاڑے نویں بہانے بہاں
سُنیا بدل وس جاوون تے بولے نہیں ہو جانڈے

سر چڑھ کے جو بولے جادو، اوہ دے خوش گفتاری
ایہدے اگے آکے ویکھیا سارے سیس نوانڈے

اسیں تے سارے رسماں دے بیمار آں بن کے بیٹھے
سچ نال اکھ ملاوون توں بس ایسے لئی کتراندے

جنھاں نوں تے نجمی اپنے دکھ نہیں لگدے پیارے
منجواں اُتے ہاسیاں والا اوہ نہیں رنگ چڑھاندے



کون آہندا اے تیتھوں دکھ نہیں میرے رستے
اوہو میرے جیہڑے سبجناں تیرے رستے

کُٹن آیا پیار لیٹرا سادھو بن کے
پیار نگر دے سارے ای اس گھیرے رستے

جیہڑا تینوں بھاوے تینوں اوس تے پاٹے
ساتھوں دُور نہیں جانے یار بھیرے رستے

پشلے پیریں ٹُریا چن تے کجھ لوکاں نہیں
خوشیاں خوب منایاں کل کے نھیرے رستے

جیہڑا ٹکڑے سانوں اوہ استاد ای ٹکڑے
پا دیندا اے آکے کسے لمیرے رستے

خیراں منگدے لوکی اپنے آپ دیاں فر
لٹن لئی کل بیٹھن جدوں لیٹے رستے

کیوں کئی کترا کے اوہناں کولوں لنگھاں
سائیاں جیہڑے جاندے تیرے ڈیرے رستے

تھک جاندے نیں راہی جیہڑے اوہناں تاہیں
دین بشارت آکے ساجھ سویرے رستے

کدی کدی تے رانج وی ہوندا نجمی یارا
ڈس لیندے نیں بن کے ناگ پکیرے رستے



ہمتاں تے ہُن مُک گئیاں نیں پھیر نیں سارے داواں دے
چہرے سبھ دے اکو جٹے نیں ول چھل نیں سبھ ناناواں دے

کد توڑی انج ساڈیاں واگاں دوجیاں دے ہتھ رہن گئیاں
چکدے رہاں گے قرض کدوں تک اسی ادھاریاں چھاناواں دے

تسیں ایہہ ویکھو کیڑا ٹہن ہُن تھتے آکے ڈگدا اے
لگدے پئے نیں دونواں پلے ہُن تے زور ہواواں دے

ہر کوئی اپنی ڈال تے بیٹھا اپنی بولی بول رہیا
ونڈ ونڈا کے گل مُک جانی جھگڑے نیں سبھ تھواواں دے


ایہناں خبراں تے نہ وسنا اصل حقیقت ایہہ نہیں جے
ایویں آس ودھانہ لینا آکھے لگ کے کاناواں دے

خوشحالی دیاں فصلاں ایتھے کوئی وی آکے بوندا نہیں
فیتے کڈے تھان تھان جا کے کتے لاندے ناناواں دے

سارے تیر نشانے ولین کنیدے ہتھیں مارے سی
کچے ہوون جذبے تے فرسڈے بھرم اناواں دے

میں تے اوہدے ساہواں دے نال اج وی ساہ پیا لینا واں
میں تے اج وی ویکھ رہیا واں سفنے اوہدیاں چاناواں دے

وِج دیلاں پائی رکھدا ساڈا سجن سانون تے
اپنے جھنڈے گڈ دا لے اوہ جا کے وِج خلاواں دے



Marfat.com